

کتاب فلسفہ مارکسی

(سجاد ظہیر)

برابوئی مٹ و بدل
جاوید بلوچ



ماركسى فلسفہ

سجاد ظہير

(برابوى مٹ و بدل)

ڪتاب نا پڻ ؛ مارڪسى فلسفہ

نوشتڪار ؛ سيدسجاد ظہير

برابوى مٹ و بدل ؛ جاويد بلوچ

پرنٹ ڪروڪا جاہ ؛

شينڪ ؛ ۲۰۲۲

بہا ؛ بے بہا

داکتاب پندارینگ کرینگانے

دنیا نا خواری کش آتا پن آ

دنیا نا پوریاگراک اسٹ مبو !

نم تو گنوائنگ کن نما زمزیر آکو ، ولے گھٹینگ کن تیہ جہان
ئے!!!

(مارکس)

لڑ

اولی نوذ
۵

۱ تمہید
۶

۲۔ خیال پرستی ایلو جدلی
مادیت
۱۶

۳۔ مادیت نا مارکسی فلسفہ
۳۰

۴۔ تاییخی مادیت یا تاریخ نا ارتقاء نا اصول آک
۳۸

پیش لوز۔؛ ڈاکٹر مبارک علی

صنعتی انقلاب سرمایہ دارانہ نظام نے ودی کرے ہرا نا نتیجہ ٹی
خواری کش طبقہ پیدا مس ہنا پوریاگر طبقہ دے او نن سختی و
سوری تے سہگہ سا سرمایہ دارانہ نظام نے کُنڈ کُنڈا دنیا ٹی تالان
کرے۔

آرنلڈ ٹوئن بیہ ہمو مفکر نس ہرا کھلان مُست صنعتی انقلاب نا
لوز نے مونا ہیسک ، او راجی زند ٹی مروکا طبقاتی تقسیم نا
باروٹ پارے کہ دا ارا قوم ٹی بشخینگانے یعنی کہ 'سرمایہ دار ایلو
پوریا گر ' فیکٹری تے ٹی کاریم کروکا خواری کش آ پوریاگرتا
حالت نا زبہ فیڈرک اینگلزہ تینا کتاب (دی کنڈیشن اف ورکنگ
کلاس) ٹی بہاز تفصیل ٹی نوشت کرینے ہراژان معلوم دا مریک
کہ خواری کش طبقہ سرمایہ دارانہ نظام نے سوگو کرنگ کن
اخص او بہلو تاوان اس ادا کرینے۔

کارل مارکس تینا مچا زند نے سرمایہ دارانہ نظام نے چائینگ ایلو
دانا راجی آزند نا زبہ اثرات آ تا خرچ کرے او اسنے عالم و
نظریاتی سونج و رنج و پٹ و پول نا شوقین نس اس ، ہنا خاطر
علم نا ذریعہ اٹ مچا دنیا نا بندغاتے کن آسودگی و جوانی نا اسنے

کسر ئس نشان تس مارکس جرمنی آن فلسفہ ، ایلو معاشیات نا خیالات ئے ہیل کرے ، دا نا بُن آ مارکسی فلسفہ ئے تخلیق کرے ، دا فلسفہ سوچنگ او پٹ و پول کرنگ نا پوسکناکسر آتے ہم نشان تس ہرا کہ راجی آزند ٹی بدلی ہتیرہ دا اونا فلسفہ نا نتیجہ ئے کہ روس، چین، کیوبا، ویتنام، ٹی انقلاب بس ولا اینو ہم ایشیا ء افریقہ، اور لاطینی امریکہ ہان بارینگا ملک آک اونا فلسفہ ئے دوٹی کریسہ جہد و کوشست کرینگو، مارکس نا فلسفہ نا خوانینگ ہنا خاطرہ لازم ئے کہ دا اسئے پوسکنو سوج ئس ایتک اور محروم طبقاتے نظریاتی سلہ ہم فراہم کیے۔

تمہید

دا چُنکا کتاب اسٹالن نا تیبہ جہان ٹی مشہور ئینگا نوشت مروکا "جدلی اور تاریخی مادیت" آن ہلوک ئے دا کتاب نا اردو مٹ و بدل سید سجاد ظہیر کریسک دا کتابچہ ٹی کارل مارکس نا انقلابی فلسفہ نا بُن ئی اصول آتے بہاز راستی اٹ برجا کرینگا نے۔ دا فلسفہ نا کمک اٹ نن قدرت آئی، راجی زند آئی ایلو انسان نا خیالات آتے ٹی ہرا وڑ نا حرکت، یا بدلی (مونی ہنگ) ئس مریک ہندا قانون آتے سرپند مرنگ کینہ۔ دا قانون آتے پو مرینگ بہاز لازم ئے ہندا خاطر دادے چائینگ آن بیدس نن سرمایہ داری ایلو جاگیرداری نا سڑوکا نظام ئے پرغنگ، ولا اونا جاگہ غا اشتراکی نظام ئے جوڑینگ کرینگ کہ نہ۔

۔؛ مادہ مُتکن ئے یا روح؟ ننا خیال آک پیشننا(خارجی) حقیقت آتا سیخہ ک او یا پیشن نا حقیقت آک ننا سوچاتا سیخہ او۔ پیشن نا حقیقت دُهن کے طوبے، استار، دریا، مَش، ڈغار، ایلو کارخانہ غاک، پیشن ہم جانی اریر یا مچا کاس ماس (کائنات) بیرہ ننا سوچ ایلو تصور نا کریشمہ ئے۔ مادہ ہردم متحرک ئے یا سلوک ئے؟، مطلب آیا کہ کائنات نا ایلو انسان نا گڑاس تاریخ ئس ارے؟ یا دا ہر ہمیش اسئے رنگ اٹ سلوک ئے؟ اجتماعی ضدآک (کولیکٹیو انٹاگونزم) ایلو نقیضیں (نفی کرینگ) ہر حال ٹی اریر یا افس؟ انسان آجوائے یا تفوک (فطرت نا قانون آتون ہردم گھنڈوک) ئے؟ دا مسئلہ (اڑی کو) غاک او ہرا فتا زبہہ مُست نا زمانہ غان ہژ داسکان بحث مریسہ ہننگے۔

دا کتاب ئے خونینگان ننے دا خبر تمک کہ دا مچا بحث نا منشاء بیرہ گوازی یا وخت و پاس ئس اف بلکہ داڑتون ننا راجی زند نا بہاز اہم انگا مسئلہ غا تا حل تفوک او۔

ہر وخت آن انسانی راجی زند آئی حاکم و محکوم طبقہ پیدا مس
 ولا طبقہ غاتا بنا مس ہمو وخت آن ننا فلسفہ زند ننا سوچ و
 خیالاک ہم آرا طبقہ ٹی بشخننگاردا ٹی ہج وقہول، راج، ملک، مذہب
 یا گروہ تا فرق اف ہر ملک، ہر راج و قوم ہر مذہبی گروہ تے ٹی ہرا
 رے داسکان اسے کُنڈا حاکم نا فلسفہ نے ہر ادے خیال پرستی والا
 فلسفہ یا سوچ پانہ ولا ایلو کُنڈا محکوم طبقہ نا فلسفہ نے ہر ادے
 مادیت تون جوڑینہ یا (مادیت نا فلسفہ) پانہ، تاریخ شاہد نے کہ
 افلاطون نا وخت آن اینو اسکان خیال پرست ہر جاہ تینا زمانہ نا
 سماجی نظام نا حمایت نے کرینو۔ اور دادے زندہ تخنگ کن فلسفہ نا
 پوسکنو، پوسکنو اصول جوڑانو۔

داڑان ایلو کُنڈا مادیت آ بہروسہ تخوک ہر دور ٹی سماج نا پُڑا
 (برجا مروکا) طاقت آتا سنگت مسونو۔

ولا تالان ہلوکا سماجی نظام نا حمایت نے کرینو، طبقاتی جھیڑہ و
 جدل آک فکر نا دنیا ٹی مادہ پرستی او خیال پرستی نا جنگ و
 جھیڑہ نا رنگ نے بیرفینے۔

ہنا وجہ نے کہ افلاطون نا وخت آن ہا اینو اس کان حکمران طبقہ
 غاک ہر ملک ہر دور آئی مادہ پرست آتا فلسفہ نے ملامت کرینو
 اور اونا جاگہ غا خیال پرستی نے صفت کرینو۔ مادیت پرستی نے
 وختس دا پاریسہ بدنام کریرہ کہ دا فتا ہج او بھلو نصب العین
 (زندگی گدارینگ نا دود و ربدگ) ایلو زند نا ہج او اصول مفک
 وختس دا پاریسہ افتا لچغ خسارہ کہ دا آخلاق و تہذیب آن کھر و
 کُننگ او مریرہ۔

ولا دافک تو نفس نا مے ایلو پھڈ نا خلوق او۔ دافک کُمو کھش
 کبو ولا پودھا مرنگ نا تلقین کیرہ۔ اگر دا پان کہ بندغ بیرہ ارغ
 کُننگ کن زند ہ مفک، انسان نا فرض نے کہ مادی ضرورت آتے

پدئخيسه روحانيت نا بهلا قدر آتا پاره غا ہم ہراٹی او تینا خودی ئے
 مون مُستی درنگ کرنگ کے ہروئی تمک۔ اینو پھگانا ملک آٹی ہم
 روحانی قدر آتے مونی درینگ نا بھلو بیت و گپ وچرچا مرنگ
 ئے۔

ننا مُلا ، مذہبی پیشوا تا مُچا کاروبار خیراٹ ہنا روحانیت نا زہیہ
 چلینگاگا پر ہمر کہ ملک ٹی سوشلزم نا مقبولیت برجا مرنگ ئے
 اور مخلوق آٹی سرمایہ داری اور جاگرداری نظام آن نفرت ترند و
 تیز مرنگ ئے۔ حکمران طبقہ غاک تینا پھگار دار ملا تا واعظ آتا
 ایلو نوشتکار آتا ذریعہ اٹ خیال پرستی ، رجعت پرستی (سماج
 ئے پدی دروگا فکر) ایلو انقلاب دژمن فلسفہ ئے تالان کرینگ نا
 کوشست کریسہ کارہ دارسکان کہ ننا وزیرآک ایلو سرکار نا
 افسرآک ہم داسہ تینا تران تے ٹی نن مش تے ٹی رہینگوگا تے
 روحانی قدر آتا ہفت میکو آسمان نا سیل ئے کرفنگو۔

پاکستان نا مسلم لیگی ایلو رجعت پرست اخبار ایلو رسالہ غاک ہم
 ، کھہوگا خیال پرستی نا ن جان آٹی زندنا دتر ئے دودیفنگ کن باز
 بے چین اریر ایلو کنڈا سوشلزم ، و کیمونزم نا انقلابی فلسفہ نا
 قبولیت ئے مچٹس کرینگ کن کاٹم نا زور ئے خلنگو۔ اوفک
 تینے دا پاریسہ اُست ئے تینا شکر نا دیر ایتراہ ولا تینا امریکی
 ایلو سامراجی آقاتے دُهن پاریسہ دھوکا تیرہ کہ کیمونزم نا فتنہ
 پاکستان نا سرزمین وڈغار ا کاٹم ارفنگ کپک۔ ہندا خاطرہ کہ
 مسلمان آتے ٹی عام طور اٹ اور پاکستان نا مسلمان آتے ٹی خاص
 کر روحانیت باز بھلو کچ سے ٹی ارے داسہ تو بیت داڑے سر
 مسونے کہ امریکہ نا سرمایہ دار آتا ترجمان روز نامہ (نیویارک
 ٹائمز) دا وخت آ دا پاریسہ تینے ماہر اسلامیات مرینگ نا

ثبوت تس کہ کمیونزم نا زہر یلا بوچ پاکستان نا روحانی ایلو اسلامی
فضاء ٹی ودھینگ گپک۔

اینو بیرہ پاکستان نہ بلکہ مچا دنیا ٹی سرمایہ داری ایلو جاگیراداری
نا سڑوکا ایلو رجعت پرست نظام ہندن بد نام مسونے کہ بندغاتے
ٹی دانا ہج او عزت نس رہینگتے ،دافتا اسٹ او گل یا جماعت ٹی
داخس اخلاقی جرت اف کہ دا ختم مروکا نظام نا پر ملا و صاف
لوز آتے ٹی حمایت ئے کے۔

تینٹ ہمو بندغ آتا ہرا فتا فائدہ دا نظام تو تفوک ئے ہمو سرمایہ
دار اور جاگیرداری نا سڑوکا لاش آ دو خلینگا خلیرہ۔ ہمو فک ہم
داسہ اسلامی سوشلزم اور اسلامی نظام نا ہیت ئے کیرہ اور پاکستان
ٹی شرعی نظام ئے جوڑینگنا مژدہ ئے بنیفیرہ۔

پاکستان آٹی اینو پگا خواری کش تا انقلابی تحریک اور انقلابی
فلسفہ غا مسے کنڈا جو لوو مرینگ ئے۔ پوریا گر تا تحریک نا
کھلان بھلا دژمن تو سرمایہ دار جاگیرادار ایلو حاکم طبقہ غاکو۔ دا
گل ٹی مسلم لیگ نا برسراقتدار گروہ اور دانا حاشیہ نشین آک
شامل او۔ دا فتا دعویٰ ئے کہ پاکستان اسئے اسلامی او ریاست
ئس ئے ،پاکستان نا حکومت اسلامی حکومت ئس ئے نن ہندا
کوشست کرینگون کہ داڑے ہخہ کہ زو مرے اسئے اسلامی او
نظام اس تالان مرے۔ نن ملک نا دستور اساسی ٹی ہرا قرار داد
مقصد ئے تخائن ننا دا ٹی مقصد پھاش ئے، ہر وخت آ اوفتیان
دا ہرفنگ کہ دا امر و اسلامی حکومت ئس ئے؟ ولا دا امر و
اسلامی نظام ئس ئے؟ ہراٹی نو ۹۰ د فیصد مسلمان آک ، پھاش
،لنگھڑ، بینگن ایلو معاشی لحاظ اٹ بھاز بد حال او۔ اور مچا سیاسی
حق آتیاں محروم او۔ گوڑا او دانا جواب دا تیرہ کہ دسکان ننا
ریاست ئے جوڑ مرینگ آٹی جمعہ جمعہ ہفت دے مسنویے۔

جہول دادے کہ مخلوق آتا اخلاق خراب مسونے ۔ تو ضرورت دا
 بیت نائے کہ قوم نا اخلاقی اصلاح ئے کسئس کے۔ اور خدا آن
 خلیفے اور اسلامی اصولاتا زبہ چلیفے تا۔ خدا خوواہا تو کھل
 کاریم آک جوان مریرہ۔

ایلو گھل ٹی ہمو زر نا پجاری طبقہ نا مخلوق ئے ہرا فتنے سیاسی
 اقتدار آٹی داسکان ہچ او بشخ نس ملہ تنے ہمو فک پاکستان ٹی
 خالص اسلامی او شرعی حکومت اس جوڑکرینگ خواہیرہ۔ او فتا
 دعویٰ دادے کہ آگے داڑے شرعی حکومت نس تفرینگے تو مچا
 مسلمان آتا سختی او بد حالی مر مرینگ کیرہ۔ اوفک پارہ کہ دا
 حکومت غیر شرعی او ایلو غیر اسلامی ئے، خواری کش و
 بزغر آتا حق آتیکن بہاز دے اسکان اوفک اوار سوار او بیت
 کریسہ ہنار لیکن حالات آک او فتنے اسے حد اسکان تینا پوزیشن ()
 جاگہ) پھاش کرینگ کن مجبور کرے۔ او خواری کش و بزغر آتا ہر
 طبقاتی تنظیم (مچی) اور جہد نا سخت مخالف او۔ اوفک پارہ کہ
 اسلامی حکومت آٹی خواری کش و بزغر آتے ہنداخہ پگار ملو کہ
 اوفک تینا پھڑے پالینگ کرینگ کیر ایلو آرم ٹی رہینگ کیر۔ پر
 کارخانہ غاک ایلو ڈغار آک (کھیت) او فتا ملکیت مرینگ کپہ سہ ۔
 معاشی برابری نا نعرہ قدرت نا قوانین نا خلاف ئے۔ حکومت تو بیرہ
 خدا نا برگزیدہ ایلو گچین مروکا بندغاتا مرو نہ کہ عوام نا (یا
 مخلوق) نا دا گھل آک اسے کنڈا موجودہ حکومت اور حکمران
 طبقہ آ اسلامی تاریخ، اشتراکیت، مادیت ایلو خواری کش مزدور
 تحریک نا سختی اٹ مخالفت کریسہ کیرہ۔

مسیٹ میکو بندغاتا ہمو گھل ئے ہرا کہ بیرہ با ڈوی اٹ سرمایہ
 داری اور جاگیرادی نظام نا مخالفت کیرہ ولا سوشلزم نا کوک ئے
 خلیرہ۔ او فتا خیال ٹی اسلام ایلو سوشلزم ٹی مچٹ او فرق اس ئے۔ دا

گھل ٹی عجیب او غریب او بندغاک اریر۔ دا خیال نا باز یکا
بندغاک خواری کشا تا یونین آتے ٹی کاریم کیرہ۔

دافک خواری کش آتے ریفسہ کیرہ۔ اوفتا مچی تے پرغیرہ۔ ہرا تم آن
پاکستان جوڑ مسونے اوفک اسلامی سوشلزم نا بیت نے شروع
کرینو، اوفتا مقصد خواری کش آتے انقلابی جہد نا کسر آن پدی
کریسہ اصلاح پسندی (خیر خواہی) یعنی سرمایہ دار تون خمب
ہلوکا کسر اٹ درینگ نا ئے۔

اسنے چار میکو گھل اس ہم ارے ہرا اسنے وخت ٹی ہر مسے گھل
آتے تون آوار نے دا گروہ پاکستان نا ابن الوقت ایلو رجعت پسند آ
ادیباک ، نوشتکاراک ایلو اخبار لکھیکوکا تائے۔ دا بندغاک اینو پگا
اسلامی آرٹ ، اسلامی ادب ۰۰۰۰۰ پاکستانی ادب ؛ ایلو پاکستانی
آرٹ نا پروپیگینڈا نے بہاز زور اٹ کرینگو ایلو کیمونزم نا مخالفت آ
ٹی زہرہم شولیرہ۔ داسہ آگے ہر مسٹ گروہ تا جائیزہ نے تاریخی
مادیت نا روژنائی ٹی ہلین تون خننہ دافتا فکر او عمل (تولنگ
بشہ مرینگ) ٹی بہاز آ بیت آک اسٹ او

مثلاً

۱۔؛ دافتے ٹی ہر گروہ اسلامی نظام ، اسلامی ریاست، اسلامی فلسفہ
زند اور اسلامی قانون نا تبلیغ کیرہ۔

دا پین بیت اس نے کہ اسلام نا باروٹ دافتا گمان اور دافتا علم
اسٹ ایلو آن مچٹ پین وڑ ئے۔

۲۔؛ دا گروہ مچا سوسائٹی نا مونی ہنگ نا ایلو جوانی نا بیت کیرہ ،
مطلب کہ پاکستان نا سرمایہ دارہم مون مؤستی کائے ایلو خواری
کش مزدور ہم ایلو جاگیردار و بزغر ہم ترقی کے او طبقاتی
بخنداری نا حقیقت آن انکار کیرہ۔

۳۔ اوفک قوم نا حالت ئے چھنکامُنکا اصلاح اٹ سدھاریفینگ
خوابیرہ۔ اوفتا گمان دادے کہ داڑا کن انقلاب نا ضرورت اف ، سماجی
انقلاب آن تو ملک ئے نقصان بریک۔

۳۔ اوفک طبقاتی جہد نا بہاز دژمن او، داڑان بغیر سرمایہ دار ایلو
خواری کش آتا وہ جاگیردار ایلو بزغر آتا نیام ٹی ایلمی کرفنگ
خوابیرہ۔

۵۔ اوفک اسل ہندن خوابیپسہ کہ پاکستان ٹی خواری کش تا ایلو
بزغر آتا جمہوری حکومت اس جوڑ مرے اور جاگیردار اور سرمایہ
داری نظام نا جاگہ غا اشتراکی نظام اس تالان مرے

اگر خڑتی اٹ ہرن تو معلوم مریک کہ طبقاتی مفاد نا یگانگت ایلو
خواری کش و بزغر اتا انقلابی تحریک آن بغض آن علاوہ ہمو بندغ آ
تا فکری اساس ہم نئے آن پین وڑ او ، دا بندغاک گمان پرست او،
دا بندغاک دا حقیقت آن انکار کیرہ کہ کاس ماس نا اور انسانی
سوساٹی نا اسئے ارتقائی او تاریخ ہس ئے اوفک زند اور دانا
تغیرات تے، دانا تاریخی پس منظر ئے خمپسہ بلکہ افوک دادے دانا
دا پس منظر آن جتا کریسہ ہریرہ ، اوفک داتعلقات آتے ، دا سیالی
تے ہم خمپسہ ہرا گڑا تے ٹی قائم او، اوفک کاس ماس ئے اونا"
زند" ٹی نہ بلکہ اونا "مرک نا حالات" ٹی ہریرہ اوفک دا حقیقت آن
ہم انکار کیرہ کہ کاس ماس ٹی اور انسانی راجی زند ٹی تبدیلی و
شونداری دا وجہ غان مریک کہ ہر گڑا نا تہہ ٹی ارا متضاد قوت
تتیا کاریم ئے کیرہ اور اوفتا اسئے ایلو تون ٹکر مریسہ کائک، دا
تبدیلی و حرکت نا ہج او اسئے نیاد ہس اف ہرا ٹی او چر خ خلیسہ
کائک، بلکہ او انقلابی جُپ خلیسہ پُسکنو پُسکنو شکل بیرفسہ کیک

دا بند غاک تینا عمل آن دا تاریخی حقیقت ئے ہم جھٹلائیفنگ نا
کوشست ئے کیرہ کہ انسانی سوسائٹی ہزارہا سال آن ارتقائی منزل
خلیسہ برنگ ئے۔ شروع دور آئی اولی اشتراکی نظام ئس۔

اوڑان پد سرمایہ دارنہ نظام ولدا داسہ دنیا نا اسئے بھلو نیمہ غا
شتراکی نظام تالان ہلکونے۔

داڑان صاف خنینگ کہ پاکستان نا سرمایہ داری جاگیرداری نظام
بچ او دھنو گڑس اف کہ دادے بدیفنگ مفہ یا دادے بدلیفنگ
قدرت نا قانون آن خلاف ئے۔

دا کتاب ئے خوانینگ آن پد دا حقیقت صاف مرو کہ سوسائٹی انتئے
ارتقائی میزل خلیک ؟ اور انتئے پیداوار نا طریقہ غاک یعنی آلات و
اوزار نا بدل مرنگ آن راجی زند نا مچا معاشی، سیاسی ، ایلو ذہنی
ڈھانچہ ہم بدلیفنگ۔

ہندا خاطر اگمان پرست (خیال پرپرست) آک پارہ کہ نن زند نا ہمو
قانون آتے ہرا اینو آن ہزار اراہزار سال مُست ، قبیلہ داری سماج
ٹی ریاست نا ضرورت کن جوڑینگاسر لوجاری تالان کرون تا نن
اوفتے پانا کہ "ہنما دا گمان و خیال غیر تاریخی ئے ، نم تاریخ نا
پوڑ ئے پدی درینگ گپیرے ۔ دانا کوشست کرینگ ہم قوم و ملک
نا مفاد ئے نقصان ترنگ نا جاگہ غاٹے ، یا دا ملک ۔"

یورپ ایلو ہندوستان ٹی ہم دا وڑ نا بند غاتا کمی اف یورپ نا خیال
پرست آک تو توریت ایلو انجیل آن تینا تالان مروکا مسئلہ غاتا حل
ئے پٹیرہ، ولا ہندوستان نا خیال پرست آک وید آن تینا جنجال تا حل
خوابرہ۔ اوفک دا دلیل تیرہ کہ ننے داڑان بچ او غرض اف کہ زند
نا دا اصول آک ایلو قانون آک آرا وختا دا حالات تاتے ٹی
جوڑ کرینگار۔ ننے تو بس دا ہروئی کہ آیا دا اصول آک جوانو یا

خراب او؟ آگے جُوانو تو نئے داڦتا زبیه عمل کروئی تمک۔
 گوڑا ولا ہم دا جُوانیگا اصولاتا زبیه داسکان عمل انتے متے؟۔
 اور اینو بندغاک داڑا عمل انتے کپسہ؟ دا سوال نا ورندی ٹی گمان
 پرست آک دا پارہ کہ دانا وجہ بیرہ دا نس کہ بندغاک دا اصول آتا
 مطلب ئے سرپند مرنگ کتہ نو۔

داسہ بندغآتے جُوان جُوان دانا مطلب ئے پُو کرینگنا باریم ئے ہنا
 بندغ آک ہفینگو۔

پر سماج ایلو راجی زند نا ارتقائی بُن ننا خواہش تون تفوک اف،
 بلکہ مادی حالات آکو ، دا حالات آتا گھنڈ داٹی ئے کہ نن سماج آ
 ٹی مال او مڈی دولت امر پیدا کینہ؟ آرا اوزار ایلو آلات آتے
 استعمال کینہ؟ پیداوار نا رداٹ بندغاتون امر و سیالی اس جوڑینہ
 ؟ دیر خوبیک کہ پنجاب ایلو سندھ نا ریک آتے ٹی ساف او دیر نا جو
 وہیپس ایلو خرسیک ہر جاہ تالان مفس؟ دا خواہش بیرہ خواہش
 کرینگا پورو مفک داڑکن نئے ہننو حالات جوڑینگ مرو ہراڦتا
 بیدس ریگستان تے مرغزار جوڑ کرینگ مفک اور ولا دا ہم سوچ
 خلونی مرو کہ آیا نن تون داڑکن ذرائع اریر یا اف؟ ورننا دا خواہش
 ایلو شیخ چلی نا منصوبہ غاتے ٹی بچ او فرق اس اف۔

خیال پرست آتا بُن آخرابی ہندادے کہ اوڦتا گمان یا خیال ئے مادہ
 مقدم ئے اور مادی حرکت نا قانون آن بے نیاز چارہ تا۔ اوڦک
 گڑاتے اونا تاریخی پس منظر آن جتا کریسہ زمانہ اور جاگہ نا قید
 آن آجو کریسہ ہریرہ۔ او دا منہ پسہ کہ خیال آک ہم مادی گڑا تیان
 بار اسنے خاص وخت آٹی اسے خاص او دور نس سے ٹی اور
 خاص حالات تے ٹی ودی مریرہ اور ہندن فنا ہم مریرہ۔ بدلنگوکا
 حالات ایلو زمانہ ٹی داڦتا زندہ تخنگ اوڦتے رواج ترنگ ستر اف۔

وخت اور تاریخ نا ترندی اٹ مونی ہنگ نے نہ تورنگ مریک اور
 نہ اونا مونے پدا نا پاسو آ ہڑسینگ مریک۔ ہنڈن کروکا اسل ٹی
 بندغاک آتے تڑی ایترا۔ اوفتا انقلابی تحریک نا کسر آٹی پت شارہ۔
 افٹے وہم پرسی ٹی پھاسیفرہ اوفتے مون مؤستی ہنینگا توریرہ۔
 اینو دنیا ارا کیمپ ٹی بشخینگانے ، اسے پارہ غان مچا دنیا نا
 کروڑبا خوری کش آک اور بزغر آک اور دانیشور آک ، مظلوم و
 نیام نا طبقہ غاک ہرا فتا بہاز بھلو کچ نس تاریخی مادیت نا انقلابی
 فلسفہ ء زند منیسہ داڑا عمل کرینگو۔ اور ہندا خاطر ان تر قی
 ہم کرینگو۔ ایلو پارہ غا سامراجی سرمایہ دار جاگیراداری ایلو اوفتا
 حوالی ایلو موالی تا گھل نے ہرافک بہاز کمزور مسونو۔ ہرفتا زور
 ترقی پسند آتا مونا بہاز مچٹ نے اور ہر دم مچٹ مریسہ ہم ہنینگ
 نے۔

ہنا وجہ غان دا مَرک نا کنڈا ہنوکا گروہ خلیسہ خلیسہ خیال
 پرستی اور وہم پرستی نا زنگ لگوکا ہتھیار نے استعمال کرینگو۔
 پر سرمایہ داری نا ٹب ہنوکا کشتی دا نا آسرا غا بہاز دے چلینگ
 کپک۔ ضرورت دا دے کہ پاکستان نا جمہوری اور انقلابی بندغاک
 خواری کش ، مزدور، بزغر ، ترقی پسند ،نوشتکار اور دانشور
 ،مظلوم ایلو نیام نا طبقہ غاک تاریخی مادیت نا انقلابی سلہ اٹ مسلح
 مریر ور ولا تینا دژمن نے ہمیشہ کن گمنامی نا کھو آٹی ہٹرک۔

خیال پرستی

ایلو جدلی مادیت

ننا دا تالان ہلوکا سماج آئی حکمران طبقہ غاک پیداوار نا ذریعے تے (کارخانہ ، مشین ، سفر کرینگ ، آمد و رفت ، ڈغار ، دریا تا) قوضہ غان خواری کش بزغر ، خلقی آمزور ، ایلو نیامیکو طبقہ آتے تینا معاشی محتاج جوڑانو۔

حکمران سرمایہ دار ایلو جاگیردار ریاست و حکومت نے پوریا گر آتے تینا کیرغان کرینگ کن جوڑکیرہ ، سرمایہ دار آتا ریاست نا بہاز وڑ نا اراکین دھن کہ فوج ، پولیس ، عدالت جیل آک ایلو مچا سرکاری عملہ غاک اوفتا کڑسی نے زوراکی اٹ قائم تخیرہ اور استعمال ہم کیرہ ، پر سرمایہ دار ایلو جاگیردار حکمران طبقہ غاک بیرہ داڑان سیر کپہ سہ بلکہ تینا ظلم وجور نا استعمال کنینگ کن اوفک ہندنو نظریہ ہندنو سوچ ، عقیدہ ، توہمات ، آرٹ ، خونیفنگ و ہندنو خبر آتے تالان کیرہ ہرا سادہ نینگا بندغ آتا اُست و دماغ نے پڈھا کیر ایلیر ، تاکہ اوفک دا تالان نینگا ظالمانہ ، سیاسی و معاشی ، سماجی نظام نا باروٹ خواش مریر یا دانا طرف دار جوڑ مریر ۔ یا ہمو دافتے اُست ایکھیم وبے عمل کے یا اوفتے تین پہ تین آن پرغے ، یا افتے ٹی فرق اس پیدا کے۔

اوفتے بے کار و فضولا ہیت آتے ٹی پھاسیفے اوفتے زند نا حقیقت آن مَر کے۔

مطلب کہ اوفتا کوشست ہنا مریک کہ ہمر کے مرے مظلوم مخلوق
 نا بھلا بشخ نے عوامی جمہوری، پرولتاری (مُچا محنت کش طبقہ)
 انقلاب اور دانا جُہد آن یعنی ہرا کہ داسنہ تالان مروکا نظام نے
 ختم کرینگ کن جدوجہد جاری نے ہموڑان دافتے جتا ایلو بے تعلق
 کے الے۔

پر سرمایہ داری نظام، دانا معیشت، دانا حکومت اور دانا ریاست نا
 دست درازی تا بر خلاف کھلان مُست اور کھلان مونی ہنيسہ صنعتی
 مزور آک جہد کیرہ۔ داڑتون اوار اوار سماج نا ایلو مظلوم طبقہ غاک
 - بزغر، دیہاتی مزور، نیامیکو طبقہ غاتا غریب مخلوق ہم مُج
 مریسہ جہد نے ہیل کیرہ۔ ٹریڈ یونین، بزغر آتا مُچی (سبھا) محنت
 کش آتا سیاسی پارٹیک ہم دا جُہد آٹی اوار تمیرہ۔

طبقاتی جھہیڑہ ہرا سماج آٹی ظالم و مظلوم، امیر و غریب (ہزگار و
 نیزگار) مڈی والاک خواری کروکا ایلو اوفتا مخواری آن ناجائز فائدہ
 ہرفوکا تا نیام آٹی ہر ہمیش جاری نے داسہ دا اسنے باقائدہ او
 شکل اس ہلنگ شروع مریک۔ اسے ہنونو شکل ہرا ٹی دانا امکان
 پیدا مریک کہ سرمایہ داری اور جاگیرداری نظام نا تختہ نے چپی
 کریسہ سیاسی اور معاشی اقتدار مزور طبقہ ایلو اونا کمک آٹی اوڑ
 تون اوار سلوکا بزغر ایلو نیامیکو طبقہ نا ڈوٹی برے۔

سرمایہ دار تا آمریت نا جاگہ غا خواری کش آتا راج جوڑ مرے۔
 دا جُہد نا یام ٹی خیال او فکر نا دنیا ٹی ہم ارا محاذ جوڑ مریرہ۔
 اسنے گُنڈا سرمایہ دارانہ نظام نا تُغ، ایلو گُنڈا اونا مخالف اودے
 رد کروکا مزدور طبقہ نا انقلابی تخیل آک ایلو امیدآک۔

اسنے گُنڈا ہمو روحانی آفیم ہرا نا کاریم ذہن ایلو فکر نے مرک نا
 خلینگوکا سرمایہ دار سماج نا حامی او طرف دار جوڑ کروئی نے،
 ایلو گُنڈا شعور، لائیخی، مُر ہرنگ نے بڑزا دروکا تخیل ہرا نا

کاریم سماج نا حقیقت آتے سرپند مرنگ اور اوڑ تون آوار حرکت و عمل نا جوزہ پیدا کریسہ بندغاتے متکونا نظام ئے پر غنگ ایلو پوسکنا نظام زند ئے جوڑ کرینگ کن تیار کروئی ئے۔

اولیکو یعنی سرمایہ دارانہ (بورژوا) تخیل نا فلسفیانہ بُن خیال پرستی (آئیڈیولزم) نا زبہ تفوک ئے۔

ارٹمیکو یعنی مزور (پرولتاریہ) تخیل نا بنیاد جدلی مادیت (ڈائیلکٹیکل مٹیریلزم) تون جوڑینگوک ئے۔ اولیکو سوچ رجعت پرستی (سسٹم ئے پدی دروکا) ئے ارٹمیکو سوچ ترقی پسند (سسٹم یا سماجی سوچ ئے مونی دروکا) ئے خیال پرستی انت ئس ئے؟

خیال پرستی ہمو فلسفہ ئے پارہ ہرانا سوچ ئے کہ کاس ماس ، فطرت، مادی دنیاٹی مروکا حادثہ غاک او واقعات آک سماج نا مادی زند نا بنیادی لحاظ اٹ ہچ او مافوق الدارک (ہمو طاغت ہرا عام سوچ آن بھاز مُر مرے ہرانا گمان ئے ہم بندغ کرینگ کپہ) طاقت ، فطری دنیا ایلو فطری حادثا غاک مُر اسئے ہمونو نا خونوک ، کسئیس نا سمجھ ٹی نہ بروکا نا معلوم، مادی دنیا غان جتا مادی کائنات ، مادی سماج آن پیشن اور ہر وخت موجود اور ہر ہمیش رہینگوک کا طاقت ، ذہن یا عقل یا الوہیت نا نتیجہ غاک او یا داران پیدا مسونو۔

یا اونا وجہ غان وجود آٹی بسونو یا اونا دروشم آکو۔ خیال پرست آتا خُڑک آتصور یا خیال اولی ئے ایلو مادی زند مادی ماحول اوڑان پدئے او فتا خُڑک کا تاریخ اتفاقات ایلو ناگمانی واقعات آتا مجموعہ سے۔ اودافتا خُڑکا اسئے بھلو بندغ ئس ، اسئے بھلو ہستی ئس خاص او وخت آٹی پیدا مریک اور او انسانی سماج ئے چٹ چپی

کیک یا بدلیفک۔ اوفک تاریخ اور سماجی تبدیلی تے ٹی مادی ماحول مادی زند ئے ہج او اہمیت نَس تفسہ۔ وخت نَس کہ زمانہ ٹی مے ایلو آقا ٹی گڑاس فرق نَس تو ہم اسنے ہندنو نا معلوم الوہی او تاغت سے نا وجہ غان نَس۔

اگر جاگیردار ایلو ذرعی غلام نا فرق ہس یا داسہ اگر سرمایہ دار اور مزور نا فرق ارے تو دانا ہم ہج او مادی سوب اف۔ اوفتا خڑکا گڑاس بندغ آک پیدائشی جوانو مریرہ گڑاس خرابو نو۔ گڑاس بخت والا او گڑاس بے بخت او۔ ذاتی ملکیت، ہزگاری ایلو نیزگاری، عزت ایلو ذلت اتفاقی او، جوانی ایلو خرابی نا معیار اخلاق نا اصول، بہاز آملک ایلو بہاز آ اَس مخلوق آتے ٹی اسنے بھلو روحانی تحریک، اسنے مذہب یا اسنے پیشوا نَس ہمیشہ کن جوڑانے ایلانے۔

اگے ہمو بندغ آ تیان کس ہرفے کہ دا عقیدہ ایلو اصولاتے ٹی بدلی انتے مریک؟ تو اوفک جواب تیرہ کہ دا اسنے مافوق الادراک) ہراننا وجود گمان آن بہاز بڑز مرے) زور اور سے نا کاریم ئے یا اونا مصلحت نا سوب ئے۔ افسان آتا زند آن اونا ہج او سرکار اف۔

جدلیاتی مادیت (مادہ نا تہہ ٹی اسنے شکل آن ایلو شکل ٹی تبدیلی) فطرت ایلو سماج ئے چٹ پین وڑ سرپند مرنگ نا طریقہ اس ئے۔ جدلیات آن مراد دادے کہ فطرت نا حادثات خاک ہروخت متحرک او اوفک ہر دم بدلینگسہ ہنینگو ایلو فطرت نا متضاد زور آتا اسنے ایلو تون جدل، (جھپیڑہ) ٹکراؤ آن فطرت نا ارتقاء مریک۔ خیال پرست آتا خڑک آ فطرت گڑاتا ایلو حادثہ غاتا اسنے اتفاقی او مجموعہ سے۔

اوفک حادثہ تے ایلو گڑاتے اسنے ایلو آ اثر انداز مریسہ اسنے ایلو ٹی بدلینگیسہ اسنے ایلو تون گھنڈوک ہپسہ۔

داڑان بیدس جدلیات فطری واقعات تے اور حادثہ غاتے اسنے ایلو تو گھنڈوک یا اثر پزیر مروکا نظر آٹ ہرک۔ دافتا خڑکا اسٹ او ہم فطری حادثہ نسّ ہمو وخت اس کان چائینگ مفک ہر واخت اس کان اونا خڑکا (چارمہ کُنڈانا) حادثہ غاتا گھنڈے کس پو مّفہ جدلیت نا دا قانون بیرہ فطری حادثات غاتا ارتقاء ٹی کارفرما اف بلکہ انسانی معیشت ایلو انسانی تاریخ نا ارتقاء ٹی ہم موجود ئے۔ دا نا مطلب سماجی نظام نا ارتقاء یا کہ تاریخ آٹی سماجی تبدیلی اسنے اٹل یا ابدی تصور یا اسے پیشن نا آفاقی تصور نا کیرغان تہ مفک ہر سماجی تبدیلی نا سوب اونا خڑک ہویل نا حالات آتے ٹی گھنڈوک مریک۔ ہر سماجی تبدیلی ئے سرپند مرنگ کن اونا مچا ایلو حالات آتے چائینگ ہم لازم ئے۔ ہرا ژان اونا بدلی مرنگ نا تعلق ئے۔

ہنڈن کہ نن چانہ اسنے ہنونو زمانہ ہم آس ہرا تم دنیا ٹی مے تخنگ نا رواج آس۔ حکمران طبقہ انسان آتا اسنے گھل آ حکومت کرنگ نا حق تخاکہ، ایلو غلام آک راج ٹی دو آنا جوڑوکا گڑاک ذراعت و پین کاریم کریسہ راجی زند کن معاشی مال و مڈی پیدا کیریرہ۔

اینو نا زمانہ ٹی مے تخنگ جرم نس ئے۔ مہذب بندغاک غلامی ئے وحشت و بربریت نا یادگار سمجھے رہ۔ پر نن چانہ کہ غلامی نا زمانہ غان مُست سماج نا تنظیم اشتراکیت نا بنیاد آ تفوک نس۔ غلامی نا دور ہمو اولی دور آن پد شروع مس۔ دُهن انتے مس؟ اولی اشتراکی دور آٹی انسان تون بیرہ خل نا اوزار آس، اوڑان پد اوفک تیر کمان ایجاد کریر۔ دا زمانہ ٹی سلہ غاک بہاز کمزور اسر، ہندا وجہ غان انسان آتے کن لازم اس کہ اوفک اسنے ایلو تون اوار مریسہ قدرت نا زور اکی ایلو لدی آناہر آتا مقابلہ کیرک۔ شکار

کرنگ ، مچھی ہلنگ ، میوہ مچ کرینگ ایلو دیر و تنو ۔ نا زور
 آتان بچینگ کن انسان آتا اسئے ایلو تون اوار ایسے ایلو نا کمک
 کرینگ لازم آس ۔ اگر اوفک ہندن کتوسہ تو اوفک جنگلی ناہر یا
 ہمسایہ دژمن قبیلہ تا دو آن خلینگارہ مرک نا گوچی مسرہ۔ تیمپہ
 تین تون اوار کمک کرینگ نا نتیجہ دا ہم نس کہ اوفک تینا آلات
 پیداروار (ہتھیار وغیرہ) ایلو داآلات آتان دو تموکا گڑاتا زبہ
 مشترکہ ملکیت جوڑ مرے۔ دا زمانہ ٹی سوائس مچٹا گڑاتان بہاز
 یکان گڑاک مشترکہ اسر۔ دا سماج آٹی طبقہ داری تفریق التوکہ۔ دا
 زمانہ آٹی انسان آتا اسئے گھل ایلو انسان آتے نقصان تتوکہ۔

مدان مدان انسان آک پین دہات آتان اوزار ایلو ہتھیار جوڑ کریر ۔
 اوفک دستکاری/ (دو آنا جوڑوکا گڑاک) تان بہاز پین وڑ نا گڑا
 جوڑ کرنگ ہم شروع کریر۔ اوفک مال داری ہم شروع کریر۔ اوفک
 ڈغار آ کشت و کشاری نا درچ ہم دریافت کریر ، دا ایجاد آتا نتیجہ
 دا مس کہ بہاز آ بندغاک پین پین وڑ نا کاریم کرینگ شروع
 کریر (ہرادے تقسیم کار پانگ کینہ) ، دا نا نتیجہ دا ہم مس کہ دسہ
 بہاز ینگا گڑاک جوڑ مرنگ اور پیدا مرنگ شروع مسور، داتون
 اوار دانا امکان ہم مس کہ گڑاتا اسئے ایلو تون واپار یا ہلنگ
 ترنگ مرے۔ اسئے قبیلہ والا ایلو قبیلہ غاتے تینا / ہرا کہ اوفا
 ضرورت آن زیات او اسئے ایلو گڑاتون بدلیفہ تا۔ ولا داتون اوار دانا
 امکان پیدا مس کہ بہاز آ بندغاک تون اسئے بھلو کچ سے ٹی مال و
 مڈی اس مچ مس۔ داڑتون اورا اوار دا ہم مس کہ مال و مڈی تخوکا
 بہاز آ بندغاک ایلو بندغاتے (ہرکس تو کہ مال مڈی التوکہ) تینا مے
 جوڑار۔ اور بے جان گڑا تیان بار بہا کرینگ کیر ایلو اسے ایلو تون
 بدلی کرینگ کیر تا۔ ایلو اوڑان کاریم ہم ہلینگ کرنگ کیر ئی تا۔ اسہ
 الونا مشترکہ ملیکت ، برابری سلنگ کرینگ کتو ، ہمے متکینگا

سماج نا نظام پنا۔ داسہ ذاتی ملکیت ، طبقہ داری تقسیم (غلام ایلو آقا) پیدا مسر۔

مال و مڈی پیدا کرینگ نا وسائل آک مُست آن بار مشترکہ ملکیت رہینگتو س۔ محنت نہ کروکا آقا محنت کروکا غلام آن کاریم کشنگ شروع کرے۔ غلام آک اونا ملکیت جوڑ مسر۔

سماج ٹی دا بنیادی تبدیلی نا وجہ آلات و ذریع پیداوار (مینز آف پروڈکشن) نا تبدیلی آن مس۔

شروع نا زمانہ اشتراکیت نا وسائل پیداوار ہمو زمانہ نا سماجی تنظیم ایلو معاشرہ نا رشتہ غاتے ٹی ہم تبدیلی بس۔ آقا ایلو غلام نا بنیاد آسماج نا تنظیم دا ایلو زمانہ نا وسائل نا مطابق اسر داڑان ثابت مریک کہ شروع نا اشتراکیت نا نظام اوڑان پد غلامی نا نظام اسے ابدی تصور یا اسے تاریخی سانحہ ہس نا نتیجہ التو کہ بلکہ اونا اسے ٹھوس او معاشی بنیاد اسر۔ دا معاشی بنیاد آتے ٹی تبدیلی نا وجہ غان سماج نا نظام ، سماج آٹی انسان آتا اسے ایلو تون تعلق نا گھنڈینگ، ایلو سیاسی نظام ٹی تبدیلی بس۔ ہنا خاطر آ جدلیات نا قانون نا مطابق سماجی تبدیلی نے سرپند مرننگ کن نے دا تبدیلی نا خُرکنا چارمہ کنڈنا حالات ، موقع محل ایلو ہمو وخت نے ہم چائینگ لازم نے۔ جدلیات نا خُرک آ فطرت سلوک، غیر متحرک ، یا بے سٹ اف بلکہ داٹی ہر وخت تبدیلی مریسہ ہننگ نے۔ او ہر ہمیش ارتقاء نا حالات آٹی نے۔ بہاز آ گڑاک مونی کارہ ترقی کیرہ۔ بہاز آ گڑاک چھٹہ ہلیسہ ایلو پنیسہ کارہ۔ ہنا خاطر ان حادثہ غاتے ایلو واقعات آتے سرپند مینگ کن نہ بیرہ اونا نیام ٹی رشتہ ایلو اونا نیام ٹی تعلق نے معلوم کرنگ لازم نے بلکہ اونا حرکت، اونا تبدیلی ، اونا وجودی برنگ اور ختم مرننگ نا عمل نے ہم چائینگ ضروری نے۔ دا ہم مرننگ کیک کہ اسے گڑاس اسے خاص او

وخت ٹی بھاز مستحکم خننگ، لیکن اصل ٹی اونا زوال شروع مسونے ولا اسے گڑاس اسنے خاص او وخت ٹی کمزور ایلو زوال نا پارہ غا ہنوک ، غیر مستحکم معلوم داری تیک پر در حقیقت او بھلن ، تبرجا مرنگ ٹی نے ایلو شونرداری کرننگ ٹی نے۔ جدلیت ہنا گڑتے مضبوط چائیک ، ہراٹی نمو / بڑز ہننگ نا طاقت مرے۔ ہرانا زور آوری ٹی ودھیکی مرنگ نے۔ جدلیت نا اصول آتا مطابق اگے نن سماج نے ہرن تو دا نتیجہ غا سر مرینہ کہ اسٹ او ہم سماجی نظام اس اف ہرا مٹینگپہ۔ (ہر سماجی نظام مٹاننگگ) ذاتی ملکیت نا "حق" اسے ابدی او یا آسمانی او کلیہ آس اف۔ جاگیردار ایلو بزغر نا سیالی " ابدی انصاف" نا اصول آتا زبہ اف۔

سرمایہ داری نظام ، سرمایہ دار ایلو مزور نا موجودہ سیاسی سیالی عدل نا اسنے لافانی وتصور سے نا پیداور اف؛ ہندن کہ مے ئی آن نظام ختم مس ولا جاگیرداری ہر کنڈا تالان مس۔ ہندن کہ جاگیرداری نظام آ سرمایہ داری زور آور مس، ہندن حالات آتاضورت نا مطابق سرمایہ داری نظام نے ختم کریسہ سوشلزم یا اشتراکیت نا نظام ہر گنڈا تالان مروئے۔

ہندا خاطر ان زوال مروکا ادراہ غاتا ، نظام آتا ایلو طبقہ غاتا پا سو آ مونے تریسہ اوڑان امیت کرینگ فضول نے۔ خواہ اوفک ہخس کہ بھلو زور آور ایلو مضبوط انتے مفس۔ ہنا خاطرہ کہ اوفا زور خلینگنگ آٹی نے نے ہمو طاقت آتا ، ہمو مونی ہنوکا تحریک آتا ڈو ٹی ہلو ئی نے ہرا لاغر مریسہ ہم مون مُستی ہنگو، شونرداری ہنگو (ترقی پسند تحریک آک ایلو ہندا وڑ نا طاقت آک)

پاکستان ایلو ہندوستان نا مارکسی (کیمونسٹ) صنعتی مزور طبقہ نا راہشونی آ انتکے زور ایتراہ؟

سوشلسٹ پارٹی والا ک ایلو گڑاس پین مخلوق آک مارکسی تا دا
اعتراض ئے کیرہ کہ۔ پاکستان ایلو ہندوستان ٹی صنعتی مزور ()
پرولتاریہ) نا بشخ بزغر آتا مقابلہ ٹی بہاز مچٹ او۔ ہنا خاطر
ہندنگا انقلابی ئے تینا سیاست نا بنیاد ئے بزغر آتا زبہ تفوی تمو۔

پر مارکسیک دا چارہ کہ داسنہ سماج ٹی پرولتاریہ اسئے تالان
مروکو ایلو زیات شونرداری کروکو طبقہ ئس ئے۔ حالانکہ اوفک
اسے چُنکو بشخ سے ٹی او بزغر آک اسے بھلو بشخ سے ٹی
مرینگ نا باوجود اسئے طبقہ نا سے نا شکل سے ٹی چھٹہ ہلوک
او یعنی مُتکونا جاگیرداری نظام آسر مایہ داری نا حاوی مرنگ نا
سوب آن اوفک اسئے طبقہ نا شکل ئس ئے ٹی تمیسہ ایلو پینسہ
ہنگو، ہندا خاطر بزغر طبقہ بیدس مزور تون سنگتی کرینگا ایلو
مزور طبقہ نا راہشونی آن تینا نہ مچی ئے کرینگ کیک اور نہ
جمہوری انقلاب ٹی سرسوبی ہلینگ کیک۔ ہندا خاطر مارکسی تا
سیاست مزور طبقہ نا سیاست ئے۔

جدلی عمل۔

ارتقائی عمل نا ہم اسئے مخصوص او جدلی دُرج ہس مریک،
تبدیلی اسئے خاص و ژ سے ٹی مریک ارتقاء ٹی دا مفک کہ اسئے
گڑاس بیرہ مقداری حیثیت ٹی کھرا را کھارا بدلینگسہ کائے ولا
اونا ماہیت (شکل) بدلینگہ پہ۔ او صفاتی حیثیت آٹی بدلینگہ پہ، اصل
آٹی مریک دُهن کہ مقداری حیثیت آٹی مدان اس تقریباً بے سما
بدلینگسہ بدلینگسہ اسئے ہندنو جاگہ اس بریک کہ اسئے واردُهن
کہ اسئے جُپ خَسینگ سے ٹی مقداری حیثیت ، صفاتی حیثیت آٹی
بدلینگک۔ اسئے حالت آن چٹ ایلو حالت ہر ا کہ تینا مافیہ نا لحاظ آن
تینا صفت ایلو ماہیت (شکل) نا لحاظ آن چٹ پین وژ مرے
،پیدامریک۔

ہنا خاطر ہاجدلیات نا مطابق ارتقائی عمل اسئے نیاد نا تہہ ٹی مروکو عمل اس اف۔ ننا پارینگ نامصدق دادے کہ دُهن مفک کہ اسئے وژ و مقداری تبدیلی یکہ مریسہ کائے۔ بلکہ او اسئے مونی ہنوکو عمل ، سادہ غان پیچیدگی نا پارہ غا ہنوکا عمل ، متکونینگا صفت آن پُسکونینگا صفت یا پوسکونینگا ماہیت (شکل) نا پارہ غا ہنوکو عمل ہس مریک۔

فطرت آئی جدلیات نا دا اصول نا ثبوت ڈارون نا پٹ و پول آن ملیک، ہرا کہ ثابت کرے کہ بُوچاک ایلو جانور آک ، ڈرخت آک ایلو پھلاک و انسان آک لکھا سال تا ارتقاء نا نتیجہ غاک او۔ ہنڈن دا مابعدالطبیعیاتی (میٹافیزکل) گمان کہ دنیا ایلو مچا جانور آک ایلو بُوچ آک اسئے ابدی او سانچہ سے ٹی شاغوک او دا گمان چٹ غلط مس۔ دا ثابت مس کہ ہر گڑا نا اسئے تاریخ نس مسونے مطلب ہر گڑا نا ارتقاء مسونے۔ دا کہ اسئے ابدی او چکر سے نا گمان و خیال بے بنیاد ئے۔ طبیعات آن ارتقاء نا دائرچ نا ثابتی ملیک کہ مقداری تبدیلی اسئے جاگہ سے آن سرمریسہ ناگمان صفاتی یا ماہیتی تبدیلی ٹی بدل مریک۔ مثلاً آگے نن دیر ئے ہرن تو نن خنينا کہ اسئے حد اس کان خاخر نا زراب دانا خُر تنگا ماہیت آہج او اثر نس تخپک۔ پر آگے دیر نا باسئی ئے برابر ترند و تیز کرینگا تو اسئے خاص باسئی نا جاگہ سے آ سرمریسہ دیر دیر اس سلپیک، دا ٹی صفاتی یا ماہیتی تبدیلی نس بریک او مولٹ (بھاف) اس جوڑ مریک ہنڈن آگے دیر نا باسئی ئے مچٹ کریسہ کان تو اسے جاگہ سے سرمرینگ تون او اچانک جمینگک، او دیر اس سلپیک بلکہ برف اس جوڑ مریک۔

بے سٹ مادہ ٹی ہم جان ہندا جدلی دُرچ ٹی پیدا مریک۔ بھاز آہے جان ائنگا گڑاک ہندا ارتقائی اصول نا مطابق بندلینگسہ کارہ۔ اول آئی

داٹی بچ او ماہیتی / شکی تبدیلی مفک۔ او بیرہ مقداری اعتبارٹی بدلینگرہ، آخر آٹی اسے بہاز بڑزا سرمریسہ سُنینگا گا گڑانا شکل / ماہیت بدلینگک ؛ اچانک اسے جُپ ٹی دا پین گڑاس جوڑ مریرہ۔ سُنینگا / بے جان گڑا غان ساہ ئی او گڑاس اس پیدا مریک۔

دا وڑ نا تبدیلی ئے جدلیات آٹی ٰٰٰٰ صفاتی یا ماہیتی شکی / جست۔ خسنگ۔ پارہ۔ سیاسی اور معاشرتی انقلاب یعنی ہرا وختا زوال مروکا حکمران طبقہ نا اقتدار نا طاغت ئے زور اٹ اسے وار آتختہ ئے تہ چپی کیر ولا اقتدار ہمو طبقہ نا ڈوٹی برے ہرا راجی زند ئے شونداری نا کنڈا درنگ نا اہل ئے / یا لائق ، پر زور آوری اٹ او طبقہ ئے سیاسی اقتدار آن مُر تخارہ ماہیتی جست اس ئے ہرا نا ذریعہ اٹ متکونا سماج مُتکنگا تنظیم اسے وارہ بدلینگک۔

دا وڑ نا بُن ئی آ تبدیلی مرننگ سماج ٹی انقلاب نا ذریعہ اٹ ہی پیدا مرننگ ممکن ئے ہندا خاطرہان ہمو بندغاک کہ پارہ سرمایہ دارنہ نظام ئے نواریفیسہ کھارارا اصلاحات نا ذریعہ اٹ بدلیفیسہ سوشلسٹ / اشتراکی نظام آٹی بدلیفنگ مریک۔ غلطی کیرہ۔ بنیادی ماہیتی ، معاشرتی ایلو سیاسی تبدیلی بیرہ انقلاب نا ذریعہ اٹ بیرہ مرننگ کیک پین دانا بچ او گنڈ او کسر اف۔

ہندا خاطرہان راستنگا ترقی پسند سیاست ئے انقلابی سیاست مرننگ لازم ئے نہ کہ اصلاح پسند ، ہنا خاطرہا پاکستان نا زیات تر ،“ترقی پسند” مسلم (مسلم لیگی گھل آک) ہرا پارہ کہ تالان نینگا سرمایہ دارانہ و جاگیردارانہ نظام ئے مدان مدان اصلاح نا ذریعہ اٹ بدلیفور۔ فی الحقیقت عوام ئے اصلاح پسندی نا دھوکہ ٹی شاغسہ موجودہ ظالمانہ نظام ئے قائم کرینگ کے کمک کیرہ۔

برسراقتدار جاگیردار اور سرمایہ آتا اقتدار ئے ختم کریسہ مزور بزغر راج قائم کرنگ / جوڑ کرنگ بیرہ انقلاب اٹ ہی مرننگ کیک ۔ ہندا

خاطرہاتنے آ فرض ئے کہ نن ہندنوسیاست اس جوڑین ہرا ننے ہمو
انقلاب نا کنڈا دے نہ کہ ہمو سیاست ، ہرا ننے اصلاح پسندی نا دلدل
ٹی پھاسیفیسہ ننے ننا اصل مقصد امرکے۔

راجی ایلو سیاسی انقلاب ارتقاء نا دا جدلی اصول نا بلکل مطابق ئے
ہرا ٹی مدان مدان مروکا مقداری تبدیلی اسے جاگہ اس سرمریسہ اسے
وارہ ماہیتی تبدیلی اس مریک۔ مظلوم طبقہ نا انقلابی عمل اسنے فطری
و لازمی وگڑاس ئے۔

جدلیات نا خڑکا فطرت نا مچا دروشم آک ایلو حوادث آتے ٹی اونا تہہ نا
تضاداک مریرہ۔ ہر گڑانا اسنے راست او ایلو چپ او پہلو مریک، ہرگڑا
نا اسنے ماضی ایلو اسے مستقبل اس مریک۔ ہر گڑا ودی مریک۔ ولا
کھیک/ فنا مریک

ارتقائی عمل یا گڑاتا مونی ہننگ / بھن مرینگ یا تالان مرینگ /
ودھینگ / اور شوننداری ہندا ہی متضاد کیفیت آتا یا جہد کاری نا
دروشم آک مریرہ۔

کھینگ ختم مرینگ ایلو مون مُستی ہننگ / نمو کرینگ / بھن مرینگ/
گدرینگوکا مُتکونینگا گڑاک ایلو پیدا مروکا پُسکونینگا گڑانا تین پہ
تین تصادم / جھیڑہ ارتقاء نا عمل نا تہہ نا کیفیت ئے۔

مقداری کیفیت بروخت آ ماہیتی کیفیت آئی بدلینگ تو اونا تہہ ٹی ہندا
متضاد کیفیت آتا جھیڑہ / تضاد مریسہ کائک ہندا جہد کارفرما مریک
ٹی تہ۔ لینن نا پارنگ ئے کہ“ ارتقاء متضاد کیفیت آتا تین پہ تین
جدوجہد نا پن ئے”

جدلیت نا اصول نا مطابق شیف آن بڑزی نا پاسو آ ارتقاء اسنے رنگ
اٹ مَفک۔ بلکہ او حوادث ایلو گڑا تا متضاد کیفیت آتا تہہ نا جدوجہد نا
دروشم آک مریرہ۔ جدلیت نا اصول نا مطابق طبقاتی جنگ و جھیڑہ
موجودہ تالان مروکا سماج نا فطرت آئی موجود ئے۔

سرمایہ دار نہ ایلو جاگردارانہ راجی زند نا تہہ نا تضاد آ پردہ شاغنگ کن یا داڑان خنتے بند کریگان دادے ختم کرینگ مفک۔ اور نہ ہی اصلاح پسند آ تا چُنکا مُنکا اصلاحات اور رعایت آ ٹی دا تضاد حل مرینگ کیک۔ ننے موجودہ تالان ہلوکا سماج ٹی طبقہ داری تضاد نا حقیقت ، دانا ناگزیر مرنگ نے مَنے سہ دا طبقاتی جہد آ ٹی مظلوم ایلو محنت کروکا مزور طبقہ نے سرسوب کرینگ کن کوشست کروئی تمو ایلو دا جہد آ ٹی سرسوبی سرمایہ دار طبقہ نا چٹ شکست ایلو دانا ناپید مرینگا ہی ، مرینگ کیک۔ داڑان بیدس پین ہج او کسر اف۔

ہندا خاطر اہر ہمو سیاست ہرا سرمایہ دار ایلو مزور طبقہ نا بُن ئی آ تضاد نے خاطر آ ٹی ہتیپہ ولا سرمایہ دار ایلو مزور آتے ٹی ہم آہنگی پیدا کرینگ نا کوشست نے کے ، ہمو دروغ ، رجعت پسند اور مکاری نا سیاست اس پارینگک۔ بیرہ ہمو سیاست ، ترقی پسند ایلو انقلابی نے ہرا مزور طبقہ نا مفاد نا مطابق مرے ایلو ہرا ٹی ۔ سرمایہ دار تون خُمب ہلنگ نا ہج او جاگہ اس مفہ۔

مچٹنگا لوز آتے ٹی جدلی (ڈالیکیٹیکل) ارتقاء (ایولوشن) نا ہمو اصول اک ہرا فتانن بڑزا گپ نے تا کرین دادو۔

۱۔؛ فطرت نا حوادث ایلو واقعات اک نہ بیرہ اسنے ایلو تون تفوک مریرہ بلکہ او اسنے ایلو آن اثر انداز مریسہ ہم کارہ۔ ہندا خاطر اہر فطری حادثہ نے یا واقعہ نے سرپندمرینگ کن اونا ماحول نے سرپند مرینگ لازم نے۔

۲۔؛ فطرت نا حوادث ایلو واقعات نہ بیرہ اسنے یلو تون توفک او بلکہ اسنے ایلو آ اثر انداز ہم مریرہ اوفک ہر وخت متحرک مریسہ کارہ۔ اوٹی ہر وخت تبدیل مریسہ کائک، ہندا خاطرہ حوادث ایلو واقعات تے سرپند مرینگ کن اونا حرکت، اوٹی تبدیلی ، ونا وجود آ ٹی برنگ ایلو ختم مرنگ نا عمل نے چائنگ کرینگ لازم نے۔

۳۔؛ فطرت ٹی تبدیلی یا ارتقاء دھن مریک کہ اسئے گڑا ٹی مدان مدان
مقداری تبدیلی مریسہ کائک دا تبدیلی آخر کار اسے جاگہ اس سرمریسہ
اسئے وارہ دا گڑا نا ماہیت دا ناصفت ئے بدلیفنگ دادے مقداری تبدیلی
نا اشکالی یا صفاتی تبدیلی ٹی بدلیفنگ پارہ۔

۳۔؛ فطرت نا مچا حوادث ایلو اشیا / گڑا تے ٹی تہہ نا تضاد عمل پیرہ
مریک۔ ہندا تہہ نا متضاد کیفیت آتا تین پہ تینا جہد کاری آن ارتقاء
مریک۔

مادیت نا مارکسی فلسفہ

خیال / گمان پرست آتا خڑکا دنیا ٹی اسئے آسمانی / آفاقی الوہی روح
یا عقل کل کارفمائے (۔؛ دا دنیا ئے اسے ہندنو طاقت اس چلیفینگ
ئے ہراگمان آن پیشن ئے)

ہنا نا خاطر آ دنیا وجود آئی بسونے ایلو ہنا فطرت آئی ہر وخت جاری و ساری ئے۔ داڑان ہر خلاف مارکس نا خڑکا دنیا فی الحقیقت مادی ئے دنیا ٹی مروکا بہاز آ حوادث و واقعات چرخ خلوکا مادہ نا پین پین وڑ نا شکل آکو۔ حوادث و واقعات آک اسئے ایلو آ اثر شاغرہ۔ اسئے ایلو تون گنڈینگوک او ایلو ہنا دا ارتقاء نا جدلی اصول ئے۔ دنیا نا ارتقاء مادی قوانین نا مطابق مریک۔ دا ارتقاء کن ہج او آسمانی یا ہج دیوتا سے نا منینگ نا ضرورت او حاجت اف۔

اوائلی یونان نا اسئے فلسفی ہر قلیطس ہم مادیت نا فلسفہ ئے اونا بُن ئی آ شکل ٹی مونا ہیسس سک۔ اونا قول نا مطابق ” دنیا ” ہمو ہراٹی نن کھل مچا شامل اون ہج او خدا ئس یا انسان ئس جوڑے تینے او تو اسئے زندہ او پوغ اس ئے ہر وخت موجودئے ہر ایکہ مرو ایلو مہر ہمیش خاخر آن بار لگیسہ ایلو مسلسل کھہیسہ کائک”

مادی فلسفہ نا دا اصول بیرہ فطرت یا ارتقاء نہ بلکہ انسان نا راجی زند نا ارتقاء ئے ہم پو مرنگ کن ننا کمک ئے کیک۔ دافلسفہ نا کمک اٹ نن تاریخی ارتقاء ئے سرپند مرنگ کینہ تاریخی واقعات آک ، بہلا بہلا تاریخی تبدیلیک ، سماج نا ارتقاء نا اصول ایلو قانون نا مطابق مریرہ۔ دا فلسفہ مزور نا انقلابی پارٹی ئے دا پو کرینگ کن کمک کہ سماج ٹی انقلاب یا تبدیلی اسئے بہلو بندغ ئس سے نا عظیم شخصیت، یا اسئے بہلو خیال یا خیالی اخلاقی نظام ئے انسانی راجی زند آ عائد کرینگنا کوشست آفک بہلو بندغ ئس یا اسئے اخلاقی نظام نا ظاہر مرنگ ، مادی ماحول نا سوب نا طور اٹ مریک ۔ ہندا خاطر آ راست انقلابی سیاست دا مادی ماحول ٹی ارتقاء نا قانون ئے سرپند مریسہ ایلو قانون نا تقاضا نا مطابق عمل کریسہ ہی سرسوب مریک۔ مثلاً بہاز آ بندغاک پارہ کہ اگر سرمایہ دار لالچ

ایلو خود غرضی ئے الے اور اوفتے ٹی بڑز او اخلاق اس پیدا مرے
ایلو انسان آتا ڈھک اوفتا اُست ٹی جہی مرے تو ہنڈن مزور اور
سرمایہ دار نا جھیڑ غاک چٹینگ کرینگ کیرہ۔

پر مزور نا انقلابی جماعت سرمایہ داری نظام نا ارتقاء ایلو اونا
قانون یعنی اونا مادی بنیاد نا علم ئے ہلیسہ دا نتیجہ غا سرمریرہ
کہ سرمایہ داری نظام نا بِن ہی مزور نا کاریم نا طاغت ئے استعمال
کرینگاٹے۔ ہندا خاطر ادا سرمایہ دارئے اخلاقی اصول ہیل ترنگ نا
کوشست کرینگ ہنڈن ئے کہ اسٹ اس خاخر آن دا امیت ئے تخ ئے
او ہوشینگ ئے الے۔ ہندا خاطر آ مزور جماعت سرمایہ داری ئے
سدھاریفنگ نا ہر کوشش ئے غلط چائیک اور سرمایہ داری نظام
ئے ماس آن پٹیسہ مُر خَسینگ ئے راست عملی سیاست سمجھیک۔
دا بنیادی سوال نا باروٹ انسانی شعور ، انسانی خیال و گمان آک ،
انسانی فکر انسانی ذہن نا مچا تخلیق آک امر واجود ٹی بَسُر ۔
مارکس نا فلسفیانہ نظریہ خیال پرست آتان بھاز جتائے۔ خیال پرستی
نا نظریہ غان متضاد ئے۔

مارکسی فلسفہ نا خُرک آ مادہ، فطرت ، ننا مادی زند اسئے مستقل
او اور جتائو وجود اس تخیک۔ مارکس مادہ ئے اولی اور شروع نا
حقیقت تسلیم کیک۔ انسانی دماغ ایلو ذہن مادی زند نا اسئے شکل
ئس ئے۔ ذہن مادہ نا ارتقاء نا اسئے بڑز او ڈروشم اس ئے۔ ذہن
خیالات و تصور ایلو شعور نا مادی آلہ سے ہندا خاطر آ خیالاک ایلو
تصور آک اونا مادی بنیاد آن جتائو اور مستقل اسئے پیشن نا حقیقت
اس چائینگ غلط ئے۔ ننا شعور ایلو سوچنگ نا صلاحیت حقیقت آٹی
ننا جسم نا اسئے مادی بشخ یعنی دماغ نا پیداوار ئس مریک۔ مادہ
دماغ آن پیدا مفک بلکہ دماغ تینٹ مادہ نا اسئے بڑز او ارتقائی
شکل ئس ئے۔

خیال پرست آ دا ہم پارہ کہ دنیا ایلو انسان نا باروٹ بہاز ہندنو بیت
 اریر ہرافتا علم انسان ئے اسل مرینگ کرینگ کیک۔ مزید دا کہ
 اوفک انسانی علم ئے اسئے حالات سے ٹی ہم سفا راست مرنگ نا
 امکان ئے منیپہ سہ۔ اوفک بہاز بیت آتے بیرہ “استاد ازل” نا
 بشخ سمجھہیرہ ہرا نا علم نا کوشست کرینگ ہم انسان کن فضول
 ئے۔

لیکن مارکس نا خُڑک آ دنیا ، فطرت نا اسٹ او ہم کنڈ و کھرچ ایلو
 اسٹ او ہم قانون نس ہمونو اف کہ ہمو نا معلوم داری ئے کرینگ
 مفہ۔ مارکس نا خُڑک آ تجربہ ایلو عمل آن فطرت نا قانون نا نئے علم
 مرینگ کیک اور تجربہ نا رد اٹ نن دانا خارجی حقیقت ، اونا
 اصلیت ئے چائینگ کرینگ کینہ۔ اسٹ او ہم ہندنو گراس اف کہ ہمو
 نا قابل معلوم مرے۔ ہاں بہاز آ گڑا تا نئے علم اف لیکن سائنس ایلو
 تجربہ نا وجہ غان دا نامعلوم گڑاتا ہم نئے معلوم داری مریسہ
 ہنوئے۔

دگن کہ ہمو کیمیائی اجزاء ہرافتا ملینگ آ نباتاتی ایلو حیوانی جسم
 جوڑ مریک بھلو وخت اس کان اونا معلوم داری التوکہ ، لیکن
 بروختا کہ علم کیمیا دا اجزاء تے ٹی بہاز آتے ہندن دریافت کر
 ے او ولدا جتا جتا جوڑ مرینگ کیر تو نئے دا اجزاء تا علم مس۔

مثلاً بہاز ا رنگ آک مُست بیرہ پُھلاتا ماس آن کشینگ مسرہ داسہ
 دا رنگ نا ماہیت ئے معلوم کریسہ دادے کول تار آن ہم جوڑ کرینگ
 مریک۔ ہندن نئے دارنگ آتا مکمل معلوم داری مس ہنا۔

ہندن کوپرنیکس نظام شمسی نا باروٹ اسے نظریہ اس تس۔ اوڑان
 کئی صد سال پد ہرا و غذا اسئے فرنسیسی عالم تو لٹریے ہندا
 نظریہ نا بنیاد ئے راست تسلیم کریسہ اسے ہندنو استار اس سے نا
 وجود ئے نہ بیرہ دریافت کرے ہرا کہ داڑان مُست نا معلوم اس بلکہ

دانا حساب ئے خلیسہ آسمان آ دانا راست انیگا پوزشن ئے ہم پارے
اور ہرا واختا اسے پین عالم گالے دا استارئے دریافت کریسہ نشان
ہم تس ہمو وختا کوپرنیکس نا نظام شمسى نا نظریہ راست ثابت
مس۔

ہم کہ نئے فطرت نا قانون نا معلوم داری مریک اور اوفک اسے
پیشن نا حقیقت اس تخیرہ ہندن انسانی معاشرت یا سماج نا ارتقاء نا
قانون آک ہم معلوم مرینگ کرنگ کیرہ۔ ایلو دا اسے خارجی حقیقت
اس ہم تخیرہ۔

ہندا خاطرآ پوریا گر تا انقلابی پارٹی نا فرض ئے کہ او تینا عمل نا
ہن ئے اسئے ہوائی گپ آتا تپسہ بلکہ سماجی ارتقاء نا خارجی
حقیقت آتے ہر وخت معلوم کریسہ کائے والا اونا زہیہ عمل ہم کے۔
مارکس آن مُست ہم بھاز آ مفکرآک ایلو پیشواک انسانی ہدناکی کن
اسئے جوانو سماج سے نا نقشہ ایلو خاکہ اس جوڑا سر۔ دا کھل
ئے نن خیالی سوشلسٹ پارنگ کینہ۔

ہندا خاطرآ کہ اوفتے راجی زند نا جوڑ جک نا ایلو سماج ارتقاء نا
معلوم داری التوکہ۔ اوفک انسانیت نا ہدناکی نا اسئے زیبائو ٹغ اسر۔
مارکسی سوشلزم ئے عملی سوشلزم ہندا خاطرآ پارینگک کہ دانا
ہن موجودہ سرمایہ دارنہ سماج ٹی تالان مروکا قانون یا معاشرت نا
خارجی حقیقت نا علم آتخوک ئے۔ ہندا خاطرآ مارکسی اصول ئے
منوکا مزور آتا انقلابی گھل تینا نظریہ نا بنیاد سماج نا موجودہ
ساخت، سماج نا تہہ ٹی کارفرما معاشی طاقت آک، سماج نا تہہ ٹی
بھاز ینگا طبقات آتا اصلی حقیقت ایلو دا بھاز نیگا طبقاتی غاتا
تصورات تا علم ئے تخیرہ۔

اونا انقلابی عمل ایلو اونا انقلابی نظریات آتے ٹی اتحاد
 مریک۔مارکس نا دا نظریہ کہ انسان نا شعور اونا سرپندی ، اونا
 تصوراک، خیالاک، عقیدہ وغیرہ دراصل انسان آتا مادی حالاتِ زند
 نا نتیجہ غاک مریرہ ول بہاز بھلو انقلابی اہمیت اس ہم تخیرہ ۔ ہندا
 خاطر آگے داہیت راست ئے تو نن ہمر کے مرے داننتیجہ غا سر
 مرینہ کہ مادی حالاتِ زند ٹی تبدیلی مرنگ تون انسان آتا ذہنی حالت
 آٹی ہم (یعنی اونا شعور، خیالات، عقیدہ، گمان،) ٹی ہم تبدیلی بریک۔
 دڑان ولا داننتیجہ پیشتمک کہ راجی زند ٹی بُن ئی انقلابی تبدیلی
 اسے بھلو پیشوا یا اسے بھلو روحانی تحریک نا نتیجہ اس مفک
 بلکہ خیالاک، عقیدہ بھلو بندغ ہس سے نا مونی دروکا سیاسی ایلو
 روحانی تحریک آک مادی زند آٹی تبدیلی نا نتیجہ مریرہ ۔ ہندا خاطر آ
 مزور آتا انقلابی پارٹی اسل اسے بندغ یا اونا دماغ آن پیشتمہ مروکا
 خیال یا ہوائی وڑ نا روحانی تحریکا تا ایلو خیالی اسکیماتا زہیہ تینا
 عمل نا بنیادئے جوڑ کپہ سہ۔ اوفک سماج نا اصل مادی حالات آتا
 نظر تخیرہ۔ دا مادی حالات آتا تقاضہ ئے پو مریسہ تینا سیاسی عمل
 نا پروگرام ئے جوڑیرہ۔ اوفک معلوم کیرہ کہ سماج نا مادی ترقی نا
 اسے خاص حالات آٹی ایلو وخت آٹی انت تقاضا او ولا تینا عمل آٹی
 ضروری تبدیلی زو زو جہی کرینگ نا کوشش کیرہ ہرا نا سماج
 تینٹ خوواہندہ مریک۔

مارکس ایلو لینن نا اصول آتا ہنوکا تنظیم نا مچا دنیا ٹی دے پہ دے نا
 شونداری نا راز دادے کہ اوفک وخت اس سماج نا مادی ترقی نا
 ضرورت آتا ایلو معاشرتی تقاضا تا تینے جتا کپہ سہ۔ اوفک راجی
 زند نا اصل زند آتون جوڑینگوک او۔ ہرانا وجہ غان اوفک دے پہ
 دے آن زور ہلنگ او۔ بہاز آپین جماعت آک ہرا ترقی پسند پارہ تینے
 ایلو بہاز زیب دارو عمل ایلو بڑزا و نصب لعین مخلوق نا مونا پیش
 کیرہ اوفک ترقی کپہسہ بلکہ ختم مریرہ۔ اونا سوب دادے کہ اوفک

خیالی او۔ اوفک نہ سماج نا ساخت نہ اونا مادی بنیاد ئے ایلو نہ کہ سماج ٹی مادی تبدیلی تا سوب ئے پو مرینگ کیرہ۔ اونا نتیجہ دا مریک کہ اوفتا نیک ارادہ تا باوجود تاریخی قوت آک اوفتے بے وس ایلو بے کار جوڑ کیرہ الیرہ۔ داڑس کان کہ اوفک ختم مریرہ۔ پر دانا ہرگز دا مطلب اف کہ اوفتا سماجی نظریہ خاک، سماجی عقیدہ اور نصب العین ئے مارکس وادیک ہج او اہمیت اس تہ سہ۔ ایلو نہ مارکس وادیک دا پارہ کہ سماجی نظریہ خاک، تصورا ک اور عقیدہ خاک سماج نا ارتقاء آ اثر شاغ پَسہ۔ مارکس ہراڑے سماج نا ذہنی اور روحانی زند نا مخرج (ہرانگا زند پیدا مریک) نئے اونا ڈس ئے رغاما او نئے دا ذہنی اور روحانی زند یعنی انسان آتا نظریہ، تصورا ک ایلو عقیدہ خاک زہیہ تاریخی اہمیت ہم زار تس۔

خیالاک ایلو معاشرتی نظریہ خاک پینپین وڑ نا مریرہ، گڑاس او ٹی ترقی پسند ایلو گڑاس رجعت پسند مریرہ۔ رجعت پرست نظریہ خاک یا خیالاک ہمو فک او ہرا ہمو طبقہ، گھل ایلو زور آوارتا ترجمانی کیرہ ہراسماج ئے مونی ہننگ آ توریرہ یا تورینگ خواہیرہ۔

دا ہمو نینگا نظریہ خاک او ہرا انسانی ذہن آ ہندنو اثر شارہ کہ اوفک شونداری نا قوت آتا مخالف جوڑ مریسہ سماج نا کسر ٹی رکاوٹ اس جوڑ مریرہ۔

پوسکونگا ترقی پسند نظریہ یا خیال آک ہمو فک او ہرا داطبقہ، گروہ، اور طاغت آتا ترجمانی ئے کیرہ۔ ہرا سماج ئے مون مُستی دیرہ۔ دا پوسکونینگا نظریہ خاک سماج نا مادی ترقی ٹی کمک ہم کیرہ۔ ہر حد اس کان دا نظریہ خاک سماج نا مادی ترقی نا تقاضا آتا درشانی ئے کیرہ ولا ہر حد اس کان دا ٹی دا درشانی راست، حقیقی اور سچا اوس مریک ہمو حد اس کان دانا اہمیت زیات مریک ول ہموڑس کان دانا سماجی اثر ہم زیات مریک۔

پوسکونیکا معاشرتی نظریہ ایلو تصوراک ہمو وخت آ وجود آٹی
 بریرہ ہر وخت آ سماج نا مادی زند بُن ئی آ تبدیلی نا خواہندہ مریک۔
 لیکن اسئے وار وجود آٹی برینگا پھد دا پوسکونیکا ترقی پسند نظریہ
 غاک ہر وخت آ مخلوق آٹی تالان مریرہ، ہر وخت آ آلس مخلوق
 دافتے تینا کیک تو دا مخلوق آتے مچ کرینگ اوفتے منظم کریسہ
 انقلابی عمل آٹی تینے بٹیسہ ہمو تبدیلی تے پیدا کرینگ آٹی کمک
 کیرہ ہرا سماج کن بہاز لازم مسونو۔ دا پوسکونیکا نظریہ غاک
 مخلوق نا عقیدہ ایلو تصوراک جوڑ مریسہ متکونیکا نظریہ غاتا ہمو
 مجہول ایلو نقصان تروکا حد بندی تے ہرا سماج ئے مونی ہنیکا
 ایلومست نا نظام ئے بٹیسہ پوسکونا مادی زند نا جوڑ کرینگے
 توریرہ، یا ہمودے پرغیرہ۔

دا پوسکونیکا نظریہ غاک متکونیکا مادی حالات زند نا تہ نا تضاد
 آن پیدا مریرہ۔ پر او پوسکونیکا زند نا بیرک ئے ہفوکا
 مریرہ۔ پوسکونا زند نا تالان مرینگ نا جدوجہد یعنی ہمو ضروری
 ایلو لازمی حالات زند نا جوڑینگ نا جہد ہراژان بیدس راجی زند نا ا
 ارتقاء / مونی ہنگ ستھرا اف۔ دا نظریہ نا کمک نا سوب آن آسان
 مریرہ۔ متکونا مادی حالات نا ضرورت آک پوسکونو نظریہ تخلیق
 کیرہ۔ ول دا نظریہ غاک پوسکونو مادی حالات زند ئے پیدا کرینگ
 کن اسے کمک اس مریرہ۔

مارکس پارینے “مخلوق نا اُست و دماغ ٹی جہی مرنگان آن پد
 نظریہ اسئے مادی طاغت اس جوڑ مریک” ہندا خاطرآ ضروری ئے
 کہ مزور آتا انقلابی جماعت معاشرہ نا اسئے ہندن او نظریہ اس تینا
 کے ہرا معاشرہ نا مادی شونداری نا خواہندگی ناراست ترجمانی ئے
 کے دھنینگا نظریہ مخلوق ئے مچ کرو ایلو، متحرک ہم کرو۔

ولا ہندا نظریہ نا کمک اٹ مخلوق زند نا ضروری ارتقاء نا ترندی
ئے تینا عمل نا زریعہ اٹ تیز کرینگ کیرہ۔ دانا کمک اٹ سماج نا
مادی حالات ئے جوانی اٹ جوڑ کرینگ کیرہ۔ سماج آئی بن ایلو
انقلابی بدل اس ودی کرینگ کیرہ۔

دا نظریہ نا کمک اٹ مخلوق تینا پنوکا صفہ غاتے اسئے ہندنو
زبردست منظم فوج آئی بدل کرینگ کرور ہرا رجعت پرست زور آور آ
ماڑی تے پرغیسہ شونرداری نا قوت آتے مون مُستی درنگ کن اونا
کسر آتے ملوئے۔

ہندا سبب ئے کہ اشتراکیک تینا جماعت ایلو خواری کش مخلوق آئی
راست اینگا نظریہ نا ترویج ئے بہاز اہمیت تیرہ۔ افوک دروغ ایلو بے
بنیاد آ ہوائی نظریہ غاتے رجعت پرستی نا آلہ چارہ۔ ولا مارکس
ایلو لینن نا انقلابی نظریہ ئے ترقی پسندی نا قوت آتا الہ
سمجھیرہ۔ اول الزکر نظریہ غاک غلط او، ہندا خاطر کہ اوفتے
معاشرت نا مادی زند نا حقیقت ایلو دانا ارتقاء نا ضرورت آتون ہج او
سروکار اس اف۔ مؤخر الزکر نظریہ غاک راست او ایلو انقلابی او،
اوفک ہمو مادی تبدیلی تا دروشم ئے کیرہ ہرا فتا تالان کرنگا آن
بیدس شونرداری مرنگ مَفک۔ دا نظریہ آئی مسلح مریسہ مزور آتا
انقلابی پارٹی حیات و نمو بڑز مروکا طاغت آتا ہراول دست جوڑ
مریرہ۔

مختصر الفاظ اٹ مارکس نا مادی فلسفہ نا اصول آک ہرفتانن دا باب
ٹی بیت ئے کرین دادو۔

۱۔؛ دنیا نا اصلیت مادی ئے، دنیا ٹی مروکا بہاز آ وڑ نا حادثاک
متحرک مادہ نا بہاز آ شکل آکو دنیا ٹی ارتقاء مونی ہنگ مادہ نا
حرکت نا قانون تون گھنڈوک مریرہ۔ داڑکن ہج او آسمانی طاغت ئے
منینگ نا ضرورت اف۔

۲۔ ذہن ایلو دماغ ولا داڑان پیشن مروکا خیالاک ، تصور آک ، احساس آک اصل ٹی ننا مادی زند نا آدینک داری ئے کیرہ اور داڑان پیشن مروکا او، مادی زند ، مادی وجود اولیکو ایلو بنیادی حیثیت اس تخیرہ ، ذہنی زند تصورات ، احساس وغیرہ آک گڈیکو حیثیت تخیرہ۔

۳۔ دنیا ٹی ہچ او ہمو نو گڑاس اف کہ ہمو نا معلوم داری مرنگ مفہ۔ تجربہ ایلو عمل اٹ ہر گڑا نا معلوم داری مرنگ کیک۔ ہرا گڑاتا نئے دسکان معلوم داری اف اوفک ہم معلوم کرینگ مریرہ۔

تاریخی مادیت

یا

تاریخ نا ارتقاء نا اصول آک

بڑزا نوشت کریسون کہ سماج نا مادی زند نا حالات ہی ہمو بنیاد آکو ہرا فتا زبہ اسے سماج اس سے ٹی تالان مروکا خیالاک و عقائد اونا سیاسی ادارہ ایلو اونا مچا بیت و شکل نا انحصار مریک۔ داسہ ننے سماج نا دا مادی حالات آتا تشریح کروئی ئے ایلو ہروئی ئے کہ دانا انت خصوصیت آکو۔

سماج نا مادی حالات زند ٹی جغرافیائی ماحول اسنے اہم او حیثیت اس تخک، اسنے ملک سے نا یا ڈبہ یا خطہ نا دیر و تو اونا بوچاک، اونا ڈغار ایلو مادی حالات آک ہمو ملک یا خطہ ٹی رہنگوکا تا معاشرت (زند ئے گدرریفنگ نا دود او رسم آک) ضرور تینا اثر ئے شاغرہ پر داپارینگ کہ جغرافیائی حالات انسانی معاشرت یا سماج ناشکل بیت آٹی تبدیلی نا پیدا مرننگ نا بنی آسوب مرننگ کیرہ۔ آیا نن ہنن پارنگ کینہ کہ جغرافیائی ماحول آن ہی ہمو طاقت ودی مریک ہرانا عمل آٹی برنگ آن اسے خاص او وڑ اس ئے نا معاشرتی نظام بدل مریک ولا اونا جاگہ ئے اسے پین معاشرتی نظام اس ہیلیک۔

تاریخی مادیت نا اصول ننے داہیل تیک کہ نن دھن پارنگ کپہ نا۔ جغرافیائی ماحول یقیناً سماج آ اسنے مستقل وڑ نا اثر اس تخک۔ جغرافیائی ماحول آن سماج نا ارتقاء آ اثر تمک۔ او ارتقاء نا رفتار ئے ترند یا سست کرینگ کیک۔ پر جغرافیائی ماحول معاشرت نا نظام نا ارتقاء ایلو اوٹی تبدیلی نا بہلا ایلو

اہم او فیصلہ کن آ سبب مرنگ کپک۔ ہیت دادے کہ معاشرت آ
 ٹی تبدیلی ، جغرافیائی ماحول نا مقابلہ ٹی بہاز زوت مریک۔
 اگے نن انسان نا گدرینگوکا مسہ ہزار سال نا اوئی تاریخ آ
 نظر شان تو ننے دا نظر برو کہ دادورباری ٹی معاشرت نا بہاز
 آ نظام آک پیدا مسر۔ قدیم اشتراکی نظام، غلامی نا نظام،
 جاگیرداری نا نظام، سرمایہ داری نا نظام ولا داسہ بہاز آ جاگہ
 غا اشتراکی نظام جوڑینگوکا ہے، سویت یونین نا مخلوق آک
 ہندا مچا نظام آتا گدرینگوسہ داسہ اشتراکی نظام نا دوراٹی او،
 پاکستان ایلو ہندوستان آٹی اوئی اشتراکی نظام ایلو غلامی نا
 نظام بلکل ختم مسنے۔

جاگیرداری نا نظام ختم مریسہ ہنگ نے ولا سرمایہ داری نا
 نظام پیشنا سامراج نا ڈھانچہ نا تہہ ٹی قائم ہے۔ لیکن دادور
 آٹی دا ملک آتا فطری جغرافیائی ماحول آٹی ہج او تبدیلی اس
 بتنے۔ جغرافیائی ماحول آٹی تبدیلی لکھا سال آتے ٹی مریرہ
 پر سماجی تبدیلی چندی صدی تے ٹی یا اوڑان ہم زوت
 مریک۔ داڑان دا نتیجہ پیشتہ مریک کہ نن جغرافیائی ماحول نے
 سماجی ارتقاء نا فیصلہ کن آ عنصر پارنگ کپہ نہ۔ ہر گڑا ہزار
 ہا لکھا سال آتے ٹی بلینگپہ تو او دا بنیادی معاشرتی تبدیلی
 ناسبب امر مرنگ کیک ہر ہرا چندی سال آ تا نیام آٹی مریرہ۔

ننے داسہ دا ہروئی نے کہ آیا اسنے ملک یا اسے علاقہ سے
 نا بادی ہرا سماج نا مادی حالات زند نا اسنے عنصر اس ارے،
 او معاشرتی ارتقاء یا دانا آ فیصلہ کن اثر اس شاغک یا
 شاغیک۔

دا ٹی پچ او شک اس اف کہ آبادی نا کم یا زیات مرنگ نا وجہ
غان سماجی ارتقاء آ اثر ضرور تمک۔ انسان ہم مادی حالات
زند نا اسنے ضروری او عنصر اس نے

ہندا خاطر اسنے ملک سے نا آبدی ٹی کمی یا زیاتی آن سماج
نا مادی حالات آ تا اثر تمک۔ لیکن تاریخی مادیت نا اصول نا
مطابق آبدی ہم سماج نا ارتقاء آ فیصلہ کن او اثر اس شاغپک۔
آبادی نا کمی بیشی آن ننے دا بیت نا سبب معلوم داری
تفروئے کہ قدیم اشتراکیت نا جاگہ غا غلامی نا زبہ
جوڑینگو کا معاشرہ انتے ہلیک، ایلو غلامی نا نظام بدل
مریسہ جاگیری نظام انتے قائم مس۔ جاگیری نظام پنیسہ
سرمایہ داری نا نظام انتے بس ولا سرمایہ داری نا جاگہ
اشتراکی نتے لینگ نے۔

اگر آبادی نا بھاز مرنگ آن ہی سماج ٹی ارتقاء مسہ کہ تو
ہندوستان یا مشرقی پاکستان مادی حالات نا وجہ غا ن امریکہ
آن مونی مسورہ۔ ہندا خاطر کہ ہندوستان ایلو مشرقی پاکستان
ٹی امریکہ نا مقابلہ ٹی زیادہ پھینگنو آبدی سے۔ لیکن ہندن
اف امریکہ ٹی سرمایہ داری نا نظام تالان نے ننے تو داسکان
نے جاگرداری یا نیمہ جاگرداری نا نظام ملک نا بھاز بھلو
بخ سے آ تالان نے ہرا کہ سرمایہ داری نا مقابلہ ٹی پدمو
کو معاشرت اس نے۔ ہندن امرکہ نا آبادی سویت یونین نا
مقابلہ ٹی کئی گنا بھاز پھینگون نے لیکن اونا معاشرتی نظام
سرماداری، سویت یونین نا معاشرتی نظام اشتراکیت نا مقابلہ

ٹی پدی سلوک ئے (سویت یونین ٹی سرمایہ داری ئے ختم
کریسہ اشتراکیت وخت سے ٹی تالان مس)

ہندا وجہ آن آبادی نا زیات مرنگ سماج نا ترقی کن فیصلہ کن
او طاقت سے حیثیت اس تخپک۔ او سماج نا بیت/ شکل ئے
متعین کرینگہ ٹی بنیادی حیثیت اس تخپک۔

مادی حالات ئے زند نا ہمو ارا بھاز انگا اسباب آتے ٹی اسئے
خاص او طاقت اس ئے ہرا سماج نا بیت اونا خاصیت ، مطلب
کہ اسئے وژنا معاشرت ئے ایلو وژنا معاشرت آئی
ارتقاء/تبدیلی مونی ہنگ ئے متعین کیرہ ۔ دانا کھلان بھلا یا
اہم انگا سبب مریک۔

تاریخی مادیت نا مطابق ، دا طاقت یا زور ہمو وسائل یا طریقہ
غا تائے ہار انسانی زند کن ضروری حیثیت نا سامان مہیا
کرنگ کن استعمال مریرہ۔ہنڈن کے زندہ مرنگ کن ارغ ، پُچ ،
چھوٹ، ارا ، خاخر ایلو اوزار وغیرہ نا ضرورت مریک۔

دا مادی گڑاک انسانی زند ئے قائم کرنگ ایلو دانا ارتقاءکن
ہمر کے مرے لازم او۔ ہرا وسائل آتے دا ضروری اقدار تا پیدا
کرنگ کن ایلو جوڑ کرنگ کن استعمال مریرہ، ہنائی وسائل آتا
سماج نا شکل اونا ارتقاء ایلو معاشرتی تبدیلی نا انحصار
مریک۔

مُچا زند ئے قائم ایلو برقرار تخنگ کن دا لازم ئے کہ انسان
ارغ، پُچ ، ارا، خاخر، ایلو پین بھاز آ گڑآتے جوڑکیر۔ ہندا
مادی گراتے جوڑ جوڑینگکن اودے بھاز آ اوزار نا ضرورت

مریک۔ ہندا خاطرًا لازم ئے کہ او دا اوزار آتے استعمال ہم
کرینگ کے۔ سماج نا پیداواری طاقت آک دادو!

اول :- ہمو پیداوار نا آلات آک ہرا مادی گڑاتے جوڑ کرینگایلو
پیدا کرینگ کن استعمال آٹی بریرہ۔

ارٹمیکو :- ہمو بندغاک ہرا دا آلات آتے استعمال کیرہ۔

مُسیٹمیکو :- ہمو بندغ آتا تجربہ ایلو کاریم نا و ہنر نالائیخی ہرا
پیداوار کن کاریم بریرہ۔ لیکن پیداوار نا طاقت آک ہرافتا نن
بُڑزا ذکر ئے کرین پیداوار نا مچا وسائل ایلو طریقہ آتا بیرہ
اسئے پہلو اا ئے۔ دا ہمو پہلو ئے ہراڑان انسان آتا ایلو فطرت
ایلو فطری طاقت آتا نیام آٹی مادی گڑاک جوڑ کرینگ نا رد
آٹی ہرا تعلق اس پیدا مریک اونا اظہار ئے پیداوار نا اسئے
ایلو پہلو انسان آتا تینپہ تین نا تعلق آک ہم اریر ہرا پیداوار
سلسلہ آٹی اوفتا نہام ٹی جوڑ مریرہ۔ انسان تینا ضرورت نا
مادی گڑاتے پیدا کرینگ کن فطرت ایلو فطرت نا زور آوری نا
خلاف ہرا وخت آ جدوجہد کیرہ تو او یکہ یکہ کاریم ئے کپہ
سہ بلکہ اوفک فطرت نا طاقت آتے تین کن ساز گار جوڑ
کرینگ کن اسئے ایلو تو اوار مریسہ گروہ تے ٹی سماج نا
حیثیت آن عمل کیرہ۔ ہندا خاطرًا پیداوار کن ہر عمل ہرہمیش
اور ہر صورت آٹی اسئے سماجی عمل اس مریک۔ ولدا پیداوار
ہمیشہ اور ہر صورت آٹی اسئے سماجی پیداوار اس
مریک۔ انسان آک ہر وخت آ مادی گڑاتے کن عمل کیرہ اوفک
دڑاکن اسئے ایلو تون ہمر کہ مرے اسئے تعلق اس جوڑیرہ۔
پیداوار نا رد آٹی قائم مروکا دارشتہ غاتے نن“ پیداواری

تعلقات ” پارنگ کرنگ کینہہہمو بندغاتا نیام ٹی ہر استعمال (ایلو فتا محنت آن ناجائز فاعده ہلنگ) اس مفک۔ دا تعلقات آک اسئے ایلو نا کمک ایلو اشتراکِ عمل اس سے نا تعلق مرنگ کیرہ۔ولا ہراڑے ہنڈن اف دا تعلقات آک ایلو حاکم ایلو محکوم نا تعلقات آک مرنگ کیرہ۔ یا تو گڑا آجوائی ایلو محکومی نا نیام نا بدل مریسہ ہنوکا پوزشن نا تعلقات آک مرینگ کیرہ۔ ہر صورت داپیداواری تعلقات نا ہمرو کہ نوعیت اس مرے اور ہمرو کہ معاشرتی نظام اس مرے پیدارواری تعلقات آک ہڑتما تیان جوڑینگوک مریک۔

مادی قدر آتا پیداوار نارِد آٹ ، پیداوار آٹی ہر دوسر یعنی پیداواری تعلقات ایلو پیدارواری طاقت آتا اتحاد مریک۔

پیداوار نا اولیکو خصوصیت دادے کہ او مُر اسکان اسے رننگ اٹ مفہ کک۔ او ہمیشہ بدل مرنگ ایلو ارتقاء نا حالات آٹی مریک، مزید دا کہ پیداوار نا وسائل ایلو طریقہ غاتے ٹی بدلی مرنگ تون اوار مُچا سماجی نظام ، سماجی تصورآک، سیاسی خیال ایلو عقائد و نظریہ اور سیاسی ادارہ غاتے ٹی تبدیلی نا وجہ جوڑ مریک۔ تینا ارتقاء نا سفر نا دوران انسان آک پیداوار نا مختلف وسائل ایلو طریقہ استعمال کرینو یا ایلو لفظ آتے ٹی اوفک پین پین وڑ اٹ زند ئے تینا گذارانو، شروع نا اشتراکی دورآٹی ہمو نو پیداوار نا وسائل اَسُرا۔ غلامی نا نظام آٹی ہمو نو اور جاگیرداری نظام آٹی ہم ہمونو اَسُرا۔ مطلب ہر دور نا تینا اسئے پیداواری او طریقہ اَسُرا

ہر پیداواری طریقہ نا مطابق انسان آتا سماجی نظام، اوفتا ذہنی
ایلو روحانی زند اوفتا سیاسی خیال آت ایلو سیاسی خاک ہم
بدلینگسہ کارہ۔

سماج آٹی ہر وڑ نا پیداوار نا وسائل ایلو طریقہ خاک تالان او
ہمو وڑ نا سماج نا شکل اس مریک۔ ہمو نا مطابق دا سماج نا
تالان مروکا خیال، عقائد، تصور آک ایلو سیاسی ادارہ خاک
مریرہ۔ بھلا لفظ آتے ٹیدا ہیت ئے دھن پارنگ مریک کہ انسان
نا رہینگ نا طریقہ خاک مریرہ ہمو نو ہی اونا خیال آک
مریرہ۔

داسہ دا ہیت ساف مس کہ سماج نا ارتقاء نا تاریخ دراصل
پیداوار نا ارتقاء نا تاریخ مریک ہمودے پیداوار نا وسیلہ ایلو
طریقہ تا تاریخ ہرا صدی تان پد اسٹ آن ایلو ٹی بلینگسہ
کائک۔ ہمو تاریخ ئے پیداواری طاقت ایلو انسان آتا نیام آٹی
پیداواری تعلقات نا۔

ہر وخت آن تاریخ ئے دا نظر اٹ ہرن آتو گڑا داسہ محنت کش
مخلوق نا اہمیت نا اندازہ مریک، سماجی ارتقاء تو ممکن یہ
ہمو بندغاتا عمل آن ئے ہرافتا محنت آن مادی قدر آک پیدا
مریرہ۔ ہندا خاطر سماجی ارتقاء نا تاریخ اصل آٹی مادی قدر
آتا پیدا کروکا محنت کش / خواری کش مخلوق نا ہم تاریخ ئے،
ہرافتا محنت کرینگ نا وجہ غان ہمو مادی گڑاک پیدا جوڑ
مریرہ، ہرافتا سماج نا زند نا انحصار مریک۔

سرمایہ دار طبقہ تون تعلق تخو کا تاریخ دان آک انسانی تاریخ
 ئے بھلا بھلا فاتح ، بادشاہ تا، جنرل آتا ایلو بھلا ہستی تا کاریم
 نام اور کارگزاری تا تاریخ جوڑ کریسہ ننا مونا پیش کیرہ۔ افتا
 خڑکا سماجی ارتقاء ہندا بھلا بندغاتا وجہ غان مریک۔ لیکن
 نن خنان کہ دا تاریخ ئے چائینگنا اسئے غلط غیر علمی اور
 غیر سائنسی او طریقہ اس ئے۔ تاریخ ہمو وخت آ راست او
 ایلو علمی تاریخ اس پارینگک ہرا وخت آ مادی قدر آتا
 پیدا کروکا تا محنت کش مخلوق نا جننا تا تاریخ مرے۔

داسہ داہیت ہم صاف مس کہ سماجی تاریخ نا قانون ایلو اصول
 یا مخرج انسان آتا ذہن آئی یا سماج نا باروٹ او نا خیال آتے
 ٹی ، تصور آتے ٹی پٹینگ غلط ئے۔ سماجی تاریخ نا ارتقاء
 قوانین ننے ہندن معلوم مرنگ کیرہ کہ ہرا وخت آن اسئے
 خاص او دور باری سے ٹی ہمو سماج نا تالان مروکا وسائل
 پیداوار آ نظر شاغون۔ اور ہمو سماج نا معاشی زند نا باروٹ
 معلوم داری کرون۔

ہندا خاطر علم تاریخ نا کھلان بھلا فرض دادے کہ او پیداوار
 نا قانون آتے دریافت کے او دامعلوم کے کہ پیداواری طاقت آتا
 ارتقاء امر مریک۔

او پیداوار نا رد اٹ انسان آتا نیام آتا ٹی اسئے ایلو تون او نا
 تعلقات آتا نچر شاغے اور ہندن سماج نا معاشی ارتقاء نا مچا
 اصول آتے معلوم کے۔ دا مچا گپ آتا مد نظر مزدور آتا انقلابی
 پارٹی کن دا لازم ئے کہ او موجودہ ایلو موجودہ عہد ٹی
 پیداوار نا قانون و اصول آتا باروٹ پورو پورو علم اس ہلے۔

داڑکن دا ضروری ئے کہ او سماج نا معاشی ارتقاء نا قانون ئے چائسہ اوڑا عبور حاصل کے۔ ہندن کرینگا ہی مزدور آتا پارٹی نا پروگرام ایلو اونا عمل راست بہرا اثر مرنگ کیک ولا او غلطی تیان بچنگ کیک۔ پیداوار نا ارٹمیکو خصوصیت دادے کہ داٹی تبدیلی ایلو ارتقاء پیداواری طاقت آتے ٹی تبدیلی ارتقاء آن شروع مریک اور کھلان ماہلو آلات و اوزار پیداوار (اسینگنا بندغ گڑاس پیدا کرنگ کن اوڑکے اوزار جوڑ کیک) ٹی تبدیلی ایلو ارتقاء مریک۔

سماج ٹی تبدیلی ایلو ارتقاء مریک تو شروع ٹی پیداواری طاقت آک بدلینگرہ ولا دا تبدیلی آن پدا او نا وجہ غان اوڑتون اوار انسان آتا پیداواری ایلو معاشی تعلقات ہم بدلینگرہ۔

لیکن دانا مطلب دااف کہ انسان آتا معاشی یا پیداواری تعلقات پیداواری طاقت آتا ارتقاء نا زہیہ اثر شاغپک۔ دا راست ئے کہ انسان آتا پیداواری تعلقات آتا انحصار اونا بنیادی پیداواری طاقت آتا اثر اس تخیسہ اونا ارتقاء نا رفتار ئے تیز یا سست کرنگ کیک۔

انتے دا ضروری ئے کہ انسان آتا پیداواری تعلقات آک پیداواری طاقت آتے ٹی اونا ارتقاء نا مطابق مریر، ہندا خاطر امکان اف کہ پیداواری طاقت آتے ٹی تبدیلی مرنگ آن پد بھلو وخت اس کان انسان آتا پیداواری تعلقات آک پیداواری طاقت آتا پوسکونیگا بدل مروکا حالات آتون مطابقت تخیس یا اوڑان پین وڑ مریر۔

پوسکونینگا پیدواری طاقت آتا بھر پور ترقی متکونینگا پیدواری تعلقات نا قیام تون اور مشکل اٹ چلینگرہ۔ دامتضاد ایلو غیر مطابق سیال داری اونا ارتقاء (مونی ہنگ آٹی) رکاوٹ اس جوڑ مریرہ۔ ہندا خاطرا پیدواری تعلقات آتے ٹی پوسکونا تقاضہ غاتا مطابق بدل مرنگ آٹی ہرے مرنگ کرنگ کیکن زو یا مدان آ دانا تبدیلی ٹی پیدواری طاقت آتا تون اوار مطابقت پیدا مرنگ لازم ئے (پیدواری تعلقات آتے ہمر کے مرے تبدل مروئی تمک)

اگے ہندن متو پیدواری طاقت ایلو پیدواری تعلقات (انسان تینا ارغ پڈ ئے پھر کرنگ کن ہرا وخت آکاریم اس کیکن تو دا ر تون اوار ایلو بندغاتون اسئے تعلق و سیالی اس جوڑیک دادے پارہ پیدواری تعلقات) آتے ٹی بنیادی اتحاد اس گھنڈینگ مرنگ مفک۔

تو پیدوارنا مچانظام آٹی اسئے بھلو بحران اس پیدوا مریک۔ ہرا پیدواری طاقت آتے کمزور کیکن۔

دا وڑ نا مثال نئے موجودہ سرمایہ دارانہ نظام آٹی ملیک۔ دڑے داکیفیت ئے کہ پیدواری تعلقات پیدواری طاقت آتون مطابقت تخپسہ۔ داوڑتون اسئے رننگ افس سرمایہ دارنہ سماج آٹی بھلا صفت آتے ٹی پیدوارانسان آتا اسئے ایلو تون اوار مرنگ نا عمل اٹ مریرہ۔ لیکن ہندا ذرائع پیداور (صفت) آتا ملکیت اسئے بندغ اس ئے تون ئے۔ یعنی پیدواری طاقت آتا مشترکہ عمل ایلو داڑان انفرادی ملکیت نا تضاد آک۔

پیداواری تعلقات پیداواری طاقت ن نا مطابق افس، دا نا نتیجہ
 دادے کہ سرمایہ دارانہ سماج معاشی بحران نا شکار جوڑ
 مریک اور پیداوار نا طاقت آک مونی ننگ نا بجائے
 ضائع، کمزور یا برباد مریرہ۔ داتضاد ایلو غیر مطابق حالات نا
 نتیجہ دا دے کہ سماج نا پیداواری تعلقات آتے ٹی تبدیلی نا
 ضرورت نا احساس زیات مریک۔ بندغاک ہندنو سماجی انقلاب
 نا ضرورت اس محسوس کیرہ کہ ہراپوسکونا پیداواری طاقت
 آتون ہم آہنگ مرے۔

سویت یونین نا اشتراکی سماج ٹی ہندن ئے۔ ہمورے
 پیداواری طاقت آتا مشترکہ ملکیت یعنی پیداواری تعلقات
 مشترکہ عمل آقائم پیداواری طاقت آتا مطابق ایلو ہم آہنگ او،
 ہندا خاطر سویت یونین نا سماج معاشی بحران نا شکار مفک۔
 ایلو اوڑے سرمایہ دارانہ سماج نا وڑ پیداواری طاقت آتے برباد
 ایلو ضائع گپہ سہ۔

دانا خلاصہ دادے کہ پیداواری طاقت آک (مزدور) پیداوار نا
 رد اٹ کھلان زیات انقلابی مریرہ۔ اور پیداوار نا ارتقاء ٹی اونا
 دو (اونا کاریم) فیصلہ کن ئے۔

مزید براں انسان آتا نیام آٹی پیداواری تعلقات آتا انحصار ہم
 ہنافتاتا زہیہ مریک ایلو اوفک دانا مطابق ہم مریرہ، دا سلسلہ
 آٹی ننا مونا ارا سوال پیدا مریرہ،

اولی۔؛ دا کہ بندغاک تینا ضرورت نا مادی گڑاتے پیداوار نا
 امرنگا اوزار و آلات آتیاں پیدا کیرہ۔

دا سوال نا جواب ننے پیداواری طاقت آتے خُوڑت ہررنگ آن ملیک۔

ارٹمیکو۔؛ دا کہ پیداوار نا ذرئع خاک (زمین ، جنگل، دریا ، معدنیات، خام گڑاک، کارخانہ خاک، مشین ،یعنی آلاتِ پیداوار ، سفر کرینگنا ذرئع ایلو سامان آتا درنگ ہتنگ نا ذریع وغیرہ آتا زہیہ ملکیت دنا ئے) مچا سماج نا یا اسنے فرد سے نا ئے؟ گروہ تا یا طبقہ غاتا ہرا دافتے ایلو گروہ اور طبقہ غاتا استعمال کن استعمال کیرہ۔

ہمو اوزار یا آلات اک ہرافتے انسان آک مُست نا دور آن ہل دا زمانہ اس کان تینا مادی ضرورت نا گڑاتے پیدا کرنگ کن استعمال کریرہ،

ہمو دادو، دا اوزار آتے ٹی تبدیلی آن پیداواری طاقت آتے ٹی بتدریج ارتقاء نا ہم اندازہ مریک۔

کھلان ماہلو ّ بندغ خل نا اوزار جوڑا، اوڑان پد تیر کمان ، داڑتون اوار معاشرت آئی داتبدیلی بس کہ اوفک شکار والا زند نا دور آن پیشن مریسہ مال داری کرنگ ایلو پاوالی ولا دور آئی بسر۔

داڑان پد اوفک خل نا اوزار آتا جاگہ غا آہن نا اوزار جوڑ کرنگ ایلو استعمال کرنگ ئے شروع کریر۔ داآہن نا اوزار تے ٹی تھفر ایلو شروع نا وڑ نا لنگار ہرا ٹی آہن نا پھل اس خلوک اسہ کہ، دا تبدیلی تون اوار اوار اوفک اولی قسم نا زراعت (کشت و کشاری) (ہرا ڈو ات ڈغارئے ختینگا مسہ کہ) اونا

بدلہ آن لنگار اور خراس آتے اٹ کشت و کشاری کرنگ شروع کریر۔

داڑان پد اوفک آہن نا ایلو پین وڑنا جوانو اوزار جوڑار، ولا لوہار نا ڈونکی نا ایجاد مس ولا مش نا رزان جوڑ کرنگ شروع کریر۔ دا نا نتیجہ آٹی ڈو آنا (دستکاری) گڑا جورکرینگا، ڈو آنا ہنر ایلو زراعت ارا جتا جتا اوفن مسر، دستکاری نا صنعت آتا مستقل ارتقاء مس ولا داڑان صنعت آک وجود آٹی بسر۔ دستکاری نا اوزار آتان پد مشن آتا ایجاد مس ولا دستکاری صنعت نا جاگہ غا مشینی صنعت آپد بھلو کچ اس نے ٹی صنعتاک وجود ٹی بسر۔

نے دا ہیت نے جوانی کان سرپند مروئی تموکہ پیداوار نا اوزار آتے ٹی تبدیلی ایلو ارتقاء ہمو بندغاک کریر ہرا پیداوار تون جوڑینگوک اسر اور دا سوچینگ کہ دا تبدیلی اسے ہندنو وجہ سے آن مس ہرا انسان آتیاں جتا نے غلط ہے۔

پیداوار نا اوزار آتے ٹی تبدیلی ایلو ارتقاء تون اوار اوار بندغاتے ٹی ہم تبدیلی مس اور اوفتے ٹی ہم ارتقاء مس۔ انسان آتا پیداوار نا تجربہ مون مُستی ہنا، اوفتا کاریم کرینگ نا ہنر آٹی ایلو پیداوار نا اوزار آتے استعمال کرنگ نا لائیخی ٹی اضافہ مس نن پارے نون کہ پیداواری طاقت آتا ارتقاءنا مطابق تاریخ آٹی انسان تا پیداواری یا تین پہ تینا معاشی تعلقات نا ہم ارتقاء مریک۔ اور دافتے ٹی ہم تبدیلی مریک۔

دنیا نا تاریخ آ نظر شاغنگ آ معلوم مریک کہ ارتقاء نا دوران
ٹی خاص کر پنچ وڑ نا پیدواری تعلقات یا معاشی نظام آتا وجود
نَس

۱۔؛ اولی اشتراکی نظام

۲۔؛ غلامی نا نظام

۳۔؛ جاگرداری نا نظام

۴۔؛ سرمایہ داری نا نظام

۵۔؛ اشتراکی نظام

۱۔؛ اولی مُتکونیگا ، قدیم اشتراکی نظام

- قدیم اشتراکی نظام آٹی پیدواری تعلقات آتا بنیاد دادے کہ ذرع
پیداوار آ ملکیت مُچا سماج نا نَس ، دا معاشی سیالی ہمو دور
نا پیداواری طاقت آتا مطابق اَسُر۔

خَل نا اوزار ولا اوڑان پد تیر کمان بندغاتا آلاتِ پیداوار نا ہندا
زمانہ کھل اٹاٹھ اَسُر۔ اگہ انسان اوار ئی اٹ اور داقتا کمک اٹ
فطرت نازور آتون ایلو جنگل نا ناہر آتا مقابلہ ئے کتوسہ تو
اوفتکن زندہ مرنگ ممکن متوکہ۔

جنگل آن میوه مُچ کرنگ، مچی ہلنگ، تینا رہینگ کن بوچ نا ایلو پن آتا ارا جوڑ کرینگ کن بندغ آتا اسئے ایلو تون اوار مریسہ کاریم کنگ لازمی ئس۔ اوار مریسہ ہی اوفک تینے جنگلی ناہر آتیاں ایلو ہمسایہ قبیلہ غاتیاں بچیفنگ کریرہ تینے۔

اوارى اٹ کاریم کرنگ تون آلاتِ پیداوار نا زبیه ملکیت ہم مشترکہ مسہ کہ ولا ہنا وجہ غان مشترکہ محنت نا پهل ہم مشترکہ ئس۔ داسماج آٹی ذریع پیداوار آ انفرادی ملکیت نا سوچ پیدا مرنگ کرنگ کٹو کہ۔ سوائے داڑان کہ گڑاس آلاتِ پیداوار ہرانا کمک اٹ جنگلی ناہر آتے مون ترینگاکہ بیرہ ہمو چنکا گڑاک ذاتی ملکیت آسُر، دا سماج آٹی نہ تو اسئے انسان ایلو انسان نا استحصال ئے کریکہ اور نہ دا ٹی طبقہ داری تقسیم ئس اس۔

۲۔؛ غلام داری نا نظام

غلامی نا نظام آٹی پیداواری تعلقات نا بنیاد دادے کہ داٹی غلام آتا خواجہ یا آقا پیداوار نا ہم خواجہ مریک۔ او ہمو خواری کش بندغ نا ہم خواجہ مریک ہرا نا محنت کرنگ آن مچا گڑاک پیدا مریرہ۔ او دا غلام آن کاریم ہلنگ کیک۔ او دے بہا ہم کرینگ کیک، ہندا خہ کہ اودے ساہ دار آتیاں بار کھسفنگ نا ہم حق تخک۔

دا پیداواری یا معاشی تعلقات ہمو دور نا پیداواری تعلقات آتا مطابق آسُر۔ دا دور آٹی خَل نا اوزار آن بجائے بندغاک آہن نا اوزار جوڑا آسُر۔ دا واختا تے ٹی او شکار کریسہ تینا زند ئے

گدارارہ۔ دڑان علاوہ مالدارى دا دور آٹى فصل دسینگ ، ایلو
دونا کاریم ہم کرینگ کریرہ۔

پیدوار نا دابھازینگا شعبہ غاتے ٹی کاریم ہم بشخینگا۔ ہرادے
نن (تقیسم کار پانہ) داسہ دانا امکان مس کہ اسنے بندغ اس
ہرا گڑائے جوڑ کے ہمو دے سماج آٹى ایکو گڑا تون بدلیفنگ
کن پیش کے اسنے کمیونٹی ٹی جوڑ مروکا گڑاک ایلو کمیونٹی
نا گڑاتون ہم بدلیفنگ مسرہ۔ ولا دا تون اوار دانا ہم امکان مس
کہ سماج آٹى گڑاس بندغ پیدوار نا ذرع تے مچ کریسہ او فتا
قوضہ کیر۔ داڑ تون اوار دانا ہم امکان مس کہ بندغاتا
اقلیت (مچٹی) بندغاتا بھلا بشخ نے تینا غلام جوڑ کے۔ داسماج
آٹى مچا بندغاک آزاد ایلو اسنے ایلو تون اوار مریسہ پیدوار
نا عمل آٹى بشخ ہلتوسہ بلکہ آقا اقلیت ہرا تینٹ کاریم کتوسہ
غلام آتا اکثریت آن زوراکى اٹ کاریم ہلکورہ۔ داڑے نہ ذرع
پیدوار ایلو نہ کہ پیداور نا برم آ مشترکہ ملکیت نے بلکہ ذاتی
ملکیت نا وجود مسونے ایلو غلام آتا آقا ہی گڑاتا ہم مالک
نے۔ داڑے امیر ایلو غریب ہم پیدا مس۔ اسنے کنڈا ہمو چنکا
گروہ اس ہرا استحصال کریکہ ، ایلو کنڈا محنت کروکا بھازی
ہرا نا استحصال مسہ کہ۔ اسنے کنڈا ہمو اسر ہرا مچا حق آتا
مالک اسر۔ ایلو کنڈا ہمو فک اسر ہرا فتا ہچ او حق اس آلتوکہ
ہنا دے تے ٹی طبقہ غاتے ٹی کشمکش ایلو جھہڑہ و جنگ
اسنے مستقل او شکل اس اختیار کرے۔

۳۔؛ جاگیرداری نا نظام

جاگرداری نا نظام آٹی دھن ئے کہ پیداوری تعلقات نا بنیاد /ماس دادے کہ جاگردار، راجہ، نواب ذریع پیداوار نا تو مالک ئس لیکن بزغر تا زیہ اونا ملکیت مکمل التوکہ۔ اوفک غلام تا وڑ اودے خلنگ کتوسہ، لیکن اودے بہا کرینگ ایلو ہلنگ ترنگ نا حق اسہ کہ تا، ہراڑے جاگردار آتا جاگیری حق مریرہ اوڑتون اوار اوار کاشتکار یا ڈو نا گڑا جوڑ کروکا (ہرا اونا جاگیر آٹی رعایا نا شکل ٹی رہینگ) تینا پیداوار کروکا اوزار آتا مخواجہ ئے۔

دا وڑ نا پیداواری تعلقات ہمو دور نا پیداوری طاقت آتا مطابق مریرہ۔

دا دور آٹی آہن نا اوزاراک جوآنیکہ جوڑ مرنگ شروع مسر۔ کشت و کشاری باغبانی نا فن بہاز مون مُستی ہنا سک، اویلو ستکاری تون اوار اوار صنعت (بھلو کچ ٹی چھج آن پچ جوڑ کرینگ) نا فن وجود آٹی بس۔

دا پُسکونیگا پیداواری طاقت آتا ترقی ایلو دانا راستی اٹ استعمال کن ضروری اس کہ پیداورکن کاریم کروکا بندغاک دل جمعی اٹ کاریم کیر۔ جاگردار کن لازم مس کہ او غلام آتے آن کاریم ہلنگ ئے ختم کے، ہناخطرا کہ غلام آک بددلی اٹ کاریم کریرہ۔ داسہ جاگردار کن زیات فاعدہ مند اس کہ او کاشتکار آن کاریم ہلے۔ ہندا خاطر کہ فصل آٹی بزغر نا ہم چُونکو بشخ اس ہم اس۔ جاگردار تینا رعایا آن پیداوار ناسئے بشخ ئے ہلکہ کہ۔ ہندن دستکار تینا پیداوار ایلو اوزار آتا

خواجہ اسہ کہ، اور ہرا گڑا او جوڑ کیکا افتے ٹی ہم اونا بشخ
اس مسہ کہ۔

دا حالات آتے ٹی ذاتی ملکیت بھاز تالانی اس ہلک۔ ولا ہم
جاگرداری نظامِ معشت آٹی ہم ڈغار مالک اک محنت کروکا
اکثریت آتا استحصال ئے کریکہ۔ ولا دا استحصال غلامی آن
زارہ اس مچٹ اس۔ ہندا خاطرہ جاگرداری نظام آٹی ہم ظالم و
مظلوم استحصال کروکا تے ٹی ایلو ہمو کہ ہرا نا استحصال
مسہ کہ بھاز سخت او طبقاتی جنگ و جھپیڑہ اسٹ نا اسٹ
شکل آٹی جاری و ساری اس۔

۳۔؛ سرمایہ داری نا نظام

سرمایہ داری نا نظام آٹی پیدواری تعلقات آتا بنیاد دادے کہ
سرمایہ دار پیداوار نا ذریعہ تا خواجہ مریک۔ لیکن اونا ملکیت
ہمو بندغا تا زہیہ مَفک ہرا فتے او مزدوری تریسہ کاریم ہلیک
۔ سرمایہ دار مزدور آتے غلام نا وڑ نہ بہا کرنگ کریکہ اور
نہ زوراکی اٹ ہلنگ کرنگ کریکہ، اور نہ اودے کھسفننگ
کریکہ۔ دا اوڑا ہمو حق ئے تخک ہرا جاگردار ئے ذریعہ غلام
(کاشتکار) آتا زہیہ اسہ کہ۔ ہندا خاطرہ مزدور ذاتی لحاظ اٹ
آزاد او۔ لیکن انتے کہ مزدور آتون پیداوار نا ذریعہ افس ہرا کہ
سرمایہ دار آتا ملکیت مریرہ ہندا خاطرہ مزدورتینا زند ئے
لنگڑی او بیگونی آن کھپینگا بچفنگ کن داڑان مجبور مریرہ
کہ او تینا مزدوری نا طاقت ئے سرمایہ داری نا ڈو ٹی بہا
کے۔ ولا دا وڑ او سرمایہ دار نہ استحصال نا شکار مرے۔ ذریعہ
پیداوار آ سرمایہ دار آتا قوضہ تون اوار اوار دا ہم مریک کہ

جاگرداری نظام پَنگ شروع مریک ہندن ڈغار بزغر آتا مکیت جوڑ مریک۔ ولا دستکار ڈو نا کاریم کروکا ایلو ڈغار آٹی کاریم کروکا جاگیری جبر آن اجو مریسہ آزادی اٹ کاریم کرنگ شروع کیرہ۔ لیکن دا سرمایہ داری نا شروع نا دے تے ٹی مریک، ڈو نا کاریم کروکا چنکا صنعت ایلو صنعت آتا جاگہ غا داسہ بھلو بھلو فیکٹری ایلو کارخانہ غاک وجود ٹی بریرہ۔ ایلو کندا ڈغار آ ذراعت ہم اسنے حد اس کان سرمایہ دارنہ وڑ اٹ مریک۔ ہندن کہ امریکہ ٹی بھلو بھلو فارم جوڑ مرنگو اڑے مشین آتیا کاشتکاری مرنگ ہے۔ سرمایہ داری دور نا پیداواری طاقت آتے کاریم آٹی ہتینگ کن ضروری ہے کہ پیداوار کن کاریم کروکا محنت کش، مزدور، خلقی آ جاگیری کشت و کشاری کروکا تیان زیادہ لائیخی ایو سرپندی تخر۔ افوک ہندا قائل مریر کہ مش آتے چلیفر ہندا خاطر سرمایہ دار خلقی آ جاگرداری کاشت کار آتا مقابلہ ٹی مزدور پیشہ محنت کش آتیاں کاریم ہنگ جوان سمجھیرہ۔ ہر خلقی آ بزغر (مزارع) آتا مقابلہ ٹی مشن آتا کاریم ہے جوان کینگ کیرہ۔

سرمایہ داری پیداواری زور آتے بہاز زوت تالان کرے داڑتون اوار او دا الجھناتا ہدا متضاد کیفیت آتا ایلو حالات آتا چکر آٹی گرفتارمس ہراڑان پیشن مرنگ اوڑکن نا ممکن ہے۔ سرمایہ داری نا تضاداک انت او

اول تو دا کہ سرمایہ دار دانا کوشش کیرہ کہ او زیات آن زیات نفع کھٹنگ کن زیات آن زیات گڑاتے جوڑ کیر۔ دا گڑاتے

بازار آٹی بہا کرنگ کن ایلو فتا جوڑو کا گڑاتیان زیادہ گڑا بہا کرنگ کن اوفک تینا گڑا (مصنوعات) تے ارزان بہا کیرہ۔

دانا نتیجہ دا مریک کہ سرمایہ دار تا اسئے ایلو تون مقابلہ مریک ولا ہمو کہ سرمایہ دار ہرا چُنکا سرمایہ دار مریرہ اونا دیوالیہ پیش مریک۔ دارتوں اوار ہمو مچا بندغاک ہرا چُنکا لیول آ گڑا جوڑ کیرہ (ہنڈن کہ پُچنا صنعت ہرا نا انحصار چہج یا چرخہ آتیان مریک) بند مریرہ۔ دا وڑ سماج آٹی بہاز بھلو کچ آسے ٹی ہنڈنو بندغ پیدا مریرہ ہرا فتا معاشی حالات تباہ مروک مریک۔ ولا اونا ہلنگ نا طاقت بالکل کم مریک دا صورت آٹی بہلا سرمایہ دار آتا جوڑ کروکا گڑاک بہا کروکا ایلو ہلوکا تا تعداد ہم مچٹ مریسہ کائک ہنڈن افٹے کن تینا گڑاتے بہا کرنگ مشک تمک۔

گڈیکو دا کہ سرمایہ دار منافع خوری نا لالچ اٹ پیداوار ئے تینا ودھیفیرہ تو اوفک بھلو بھلو کارخانہ ایلو فیکٹری جوڑیرہ داتا نتیجہ دامریک کہ ہزار ہا لکھا مزدور آک ہم اسئے مرکز آ سے ٹی مچ مریرہ۔ سرمایہ داری پیداوار نا عمل آٹی اسئے اجتماعی کیفیت (مزدور آتا اسئے مرکز آٹی مچ مرنگ، اسئے ایلو تون اوار مریسہ کاریم کرینگ) نا داتضاد مریک کہ ذرئع پیداوار نا ملکیت ہم اجتماعی یا سماجی مرے۔ ہنڈن ذرئع پیداوار آ سرمایہ دارانہ انفرادیت (انفرادی ملکیت) ایلو پیداوار آٹی اجتماعی کیفیت آٹی اسئے تضاد اس ودی مریک۔

پیداواری طاقت آتا ایلو پیداواری تعلقات آتا نیام آٹی دا ہنڈنو تضاد او ہراتا حل سرمایہ داری نظام آٹی ممکن اف۔ دا تضاد نا

نتیجہ اسئے خاص وڑ نا معاشی بحران یا گڑبڑ نا شکل آٹی
 ظاہر مریک ہر ادے سرمایہ دارنہ اصطلاح ٹی (پیداوار نا
 زیاتی نا بحران) پارنگک۔ دانا معنی دادے کہ ہرا وختا سرمایہ
 دار خنک کہ عام بندغاتا مالی تباہی نا وجہ غان اونا
 گڑاتے (مصنوعات) بہا کنگ طاقت مفک تو اوتینا جوڑو کا
 گڑاتے ایلو پیداواری طاقت آتے (فیکٹری، مشین) آتے برباد
 کرنگ آٹی لگیک، سرمایہ دار داہمو وختا کیک ہرا وخت آ لکھا
 مخلوق بے روزگاری ایلو لنگڑی نا وجہ غان مصیبت آٹی
 پھاسینگوک مریرہ۔ داہولناک مصیبت نا وجہ دا اف کہ کُنگ نا
 ایلو زند نا ضروری آ سامان آتا سماج آٹی کمی مریک، دا
 مصیبت دا خاطر ابریک کہ سرمایہ دار پیداوار نا "زیاتی" نا
 بحران آٹی گرفتار مروک مریک۔

دانا صاف مطلب دادے کہ سرمایہ دارانہ نظام نا پیداواری
 تعلقات سماج نا پیداواری طاقت آ تا مطابق یا اونا ہم آہنگ
 افس، ولا اوفتے ٹی ہنڈن او اسئے ایلو تو تضاد اس مسونے
 کہ ہرا دے سرمایہ داری نظام آٹی مَر کرنگ مفک۔

دانا صاف مطلب دادے کہ سرمایہ داری سرمایہ داری نا نظام
 نا تہیہ ٹی انقلاب پا پالینگک ئے۔ دا انقلاب نا مقصد دا مرو کہ
 ذریع پیداوار آ سرمایہ دارانہ ملکیت ئے اشتراکیت یا
 سوشلسٹ ملکیت آٹی بدلیر۔

دا ہم ظاہر ہے کہ دا اصلاحات آٹی سرمایہ دارانہ سماج آٹی
امیر ایلو غریب، ظالم و مظلوم سرمایہ دار ایلو مزدور نا نیام
آٹی سخت طبقاتی کشمکش ایلو جھہیڑہ مریسہ ہنویں۔

۵۔؛ اشتراکی یا سوشلسٹ نظام

اشتراکی یا سوشلسٹ نظام آٹی پیداواری تعلقات آتا بنیاد دادے
کہ داٹی ذریعہ پیداوار اجتماعی یا سماجی ملکیت مریرہ۔ ہندا
ورٹنا نظام سویت یونین آٹی تفوک ہے (دا کتاب سویت دور آٹی
نوشت مسہ سک ہنا خاطر اونا مثال ہر جاگہ غا ترنگانے)
داڑے نہ اسنے استحصال کروکا گروہ ارے اور نہ کہ ہمو نو
بندغ ارے ہرا نا استحصال مریک، داڑے ظلم کروکا امیر طبقہ
اور نہاونا شکار مروکا مزدور غلام داسہ باقی او۔ دا اشتراکی
سماج آٹی ہرا گڑا پیدا مریک ہموفت کاریم کروکاتے تون افتا
محنت نا ایلو ضرورت نا مطابق بشخیرہ۔ دا سماج نا اصول
دادے کہ " ہرا بندغ کاریم کپک اودے کُنینگ کن ہم ہج
ملپک" داڑے پیدا کرنگ کن ہرا بندغاک کاریم کیرہ اوفتے آٹی
سنگتی والا اسنے ایلو تون اواری ولا کاریم،، " محنت " آٹی
کمک (رفیقانہ اشتراک عمل) ایلو اجتماعی کمک نا تعلقات او۔
اسٹ اس ہم ایلو نا کاریم نا ناجائز نفع ہے تہ کُمپک۔

دا اشتراکی نظام آٹی پیداواری تعلقات پیداواری طاقت آتون
پورو پورو مطابقت تخرہ، اور اوڑ تون اسنے رنگ (ہم
آہنگ) مریرہ۔ دانا وجہ دادے ک پیدا کرنگ والا عمل نا
اجتماعی شکل ایلو پیداواری طاقت آتا اجتماعی ملکیت آٹی
اتحاد اس مریک، پیداکرنگ نا سلسلہ آٹی اجتماعی طریقہ کار

اور پیداواری طاقت آتا انفرادی سرمایہ دارانہ ملکیت نا تضاد
داسہ پین اف۔

ہندا خاطر سویت یونین نا اشتراکی نظام آٹی پیداواری طاقت
آتا برابر فروغ مریسہ کائیک ایلو ہموڑے رہینگوکا تا مادی
آسودگی ودھیک مریسہ کائیک۔

اشتراکی پیداواری تعلقات پیداواری طاقت آتے مونی ہنگ نا
پورو پورو موقع ایتک۔

بڑا نن انسان نا تاریخ نا شروع نا زمانہ غان ہل داسہ نا عہد
نا بہار آ وڑ نا پیداواری تعلقات نا اسنے خاکہ اس پیش کریسہ
تینا دا دعویٰ نا ثبوت ہم تسونک کہ پیداواری تعلقات نا ارتقاء
"ترقی" دراصل پیداواری طاقت آتا ارتقاء غا مانحصار کیک ،
ولا پیداواری زار آتا ارتقاء ٹی کھلان زیات اہمیت پیدا کروکا
آلات و اوزار نا ارتقاء ولا اوفتے ٹی تبدیلی اور ایجاد نے
حاصل نے۔ آلات پیداوار نا پسونکینگا ایجاد ایلو ترقی آن
پیداواری طاقت آن بدلیگرہ ولا افتے ٹی ترقی مریک ولا ہندن
مریک تو دا لازم نے زوت یا مدان آ سماج نا پیداواری تعلقات
، یعنی معاشی رشتہ ہرا بندغاتا نیام ٹی پیداواری عمل نا
سلسلہ آٹی ودی مریرہ اوفک ہم بدلیگرہ، پوسکونا پیداواری
طاقت آتو ہم مریرہ اوراوفتون اسنے وڑ خنیگرہ

مارکس نا سنگت اینگلز کیمونسٹ مینی فیسٹو نا دیباچہ ٹی
تاریخی مادیت نا باروٹ دھن نویشتہ کرینے " اسنے تاریخی
عہد نا معاشی پیداواری ایلو سماجی شکل (ہیت) ہرا کہ لازم

ئے ئے اوڑان جور میک ہمو عہد نا سیاسی ایلو ذہنی تاریخ
نا بنیاد مریک"

ہندا خاطر (ڈغار آ مشترکہ ملکیت نا مُستنا دور باری نا ختم
مرنگ آن پد) مُچا تاریخ طبقاتی جنگ و جھہیڑہ نا تاریخ
مسونے۔ استحصال کروکا ایلو ہمو بندغاتے ٹی ہرافتا
استحصال مریک حاکم آتے ٹی ایلو محکوم آتے ٹی ، سماجی
ارتقاء نا مختلف دور آتے ٹی جنگ و جھہیڑہ ہر دم جاری
اسہ کہ لیکن دا جنگ داسہ اسنے ہندنو حد سے آسر مسونے
ہراڑے مظلوم و محکوم طبقہ (ہرادے سرمایہ دار یا پرولتاریہ
پانا) داڑان ہر وخت اس کان او اوار او اوار مُچا سماج ئے
ہمیشہ کن استحصال ، ظلم اور طبقاتی جنگ آن اجو کہہ۔

پیداوار نا مُسیٹمیکو خصوصیت دادے کہ پوسکونیگا پیداوار نا
طاقت آک ایلو اونا مطابق پیداواری تعلقات۔ مُتکونیگا نظام
آن پیش یا جتا یا مُتکونا نظام نا ختم مرنگ آن پد وجود آٹی
بفہ سا اوفک مُتکونا نظام نا تہہ ٹی رہینگ سا ودی مریرہ ولا
مُستی کارہ۔

داڑان علاوہ پُسکونا پیداواری طاقت آک ایلو پیداواری تعلقات
آک مُتکونا نظام نا تہہ ٹی شروع مَننگ ایلو مونی ہننگ
انسان آتا چاؤکا عمل نا نتیجہ مفسہ، دافتا پیدا مرنگ انسان نا
مرضی آن پیشن مریک، اوفک تینٹ وجود آٹی بریرہ اوٹی
انسان نا ہچ او عمل اس مفک۔

دانا اولیکو سبب تو دادے کہ بندغ داڑا مجبور ئے کہ زن کن ضروری گڑاتے پیدا کرنگ کن او تینا پیداواری طاقت آتے استعمال کے ایلو ہمو پیداواری تعلقات آتا تہہ ٹی زند ئے تینا گذاریر، ہراکہ اوفتے گذرینگو کا نسل آتیاں ورثہ ٹی ملا نو۔ ہرا نا ماحول ٹی اوفک پیدا مسونو، ہر پُسکونا نسل تینیاں ا ولیکو نسل نا پیداواری طاقت آتا وارث و خواجہ مریرہ ایلو تینا بقا کن اوفک دا طاقت آتے استعمال کیرہ ہرا اوفتے سناج آٹی ماہلوآن موجود ملیرہ۔

دانا اریٹمیکو سبب دادے کہ ہر وخت آ کہ بندغ پیداوار نا آلات و اوزار آتے ٹی ائے تبدیلی یا ترقی اس کیر۔ ہرا وخت آ دا سلسلہ آٹی پوسکونو ایجاد اس کیرہ ولا تینا پیداواری طاقت آتے ٹی ودھیکی اس کیر تو اوفک دا سوچیسپسہ کہ دا تبدیلی، ایجاد آتا ایلو ترقی تا سماج یا معاشرتی نتیجہ انت مرو۔ پیداواری طاقت آتے ٹی تبدیلی کرینگ نا واخت آ اوفتا مقصد بیرہ تینا کاریم نا باریم ئے کم کرنگ یاد داوڑ نا اسئے پین فائدہ اس ہلوئی ئے۔

مثلاً ہرا وخت قدیم اشتراکی نظام آٹی بندغاک خل نا آلات و اوزار نا استعمال ئے ختم کریسہ آہن نا ایلو خاص کر آہن نا اوزار نا ایجاد ئے کریر ولا اودے استعمال کرینگ شروع کریر تو اوفتے دا عمل نا شعور یا علم التواکہ آلات و پیداوار آٹی تبدیلی مونی ہنيسا قدیم اشتراکی نظام ئے ہم پرغو ولا دا نظام نا جاگہ غا غلامی نا نظام وجود آٹی بروئے۔ ہرا بندغ آک پُسکونا اوزار ایلو ہتھیار جوڑ کریر اونا استعمال ئے شروع

کریر اوفتا مقصد تو مادی فائدہ اس اوفک تو تینا ہر دے نا
زند ٹی گڑاس فائدہ ہلنگ خوہواہرہ۔ اوفتا عمل نا مراسکان
ہنوکا نتیجہ تا دا بیت نا کہ پیداوار آٹی تبدیلی نا وجہ غان
سماج نا ڈھانچہ ہم بدلینگو دانا اوفتے علم اس نہ سود و
سما اس۔

یا ہنڈن کہ یورپ آٹی سرمایہ دارآک چنکا دستکا آتا کارخانہ
غانہ غاتا جاگہ غا بھلو کارخانہ جوڑ کریر تو اوفتے دانا علم
او شعور التو کہ کہ دا تبدیلی نا سماجی نتائج ہنڈنو انقلابی آتا
شکل آٹی پھاش مرور ہرا بادشاہ تا زور آتے پرغور ولا
جاگیری نظام نے ختم کرو۔ سرمایہ دارآک تینٹ بیرہ دا خوآرہ
کہ اوفک ہم شا ن شوکت نا مالک مریر، ہم ہرا کی
جاگیردار تون نس (سرمایہ داری آن مُست یورپ ٹی
جاگرداری نظام نس) افوک بھلو کارخانہ جوڑیسہ زیات ارزان
او مال پیدا کرنگ خوآرہ ہرافت اوفک ایشیا نا ایلو پوسکنا
خنیگوکا امریکہ نا منڈی ٹی بہا کریسہ زیات آن زیات نفع
کھٹینگ کیر۔ اوفتا شعوری علم تو بس دا حد اس کان اسہ
کہ۔ لیکن معاشی طاقت آٹی سرمایہ دار آتا وجہ غان ہرا
تبدیلی پیدا مس اونا مَر اس کان نتیجہ خاک پیدا مسر ہندا
وجہ غان سماج آٹی پوسکنو طاقت آک بڑزا بسر ولا اوفک
سماج نا ڈھانچہ نے ہم بدلیفیر۔

یا ہر وختا مثلاً زارشابی نا عہد آٹی روسی سرمایہ دار آک
پیشن نا سرمایہ دار تون اوار تمیسہ روس آٹی بھلو کچ اس
سے ٹی مشینی صنعت آتے تالان کریر ولا بھلا بھلا مل آک

ایلو فیکٹریک روس آٹی ہر جاہ چلینگ شروع مسر تو اوفتے
 دا سما الوکہ کہ پیداواری طاقت آتے ٹی بھازی نا وجہ غان
 امر و معاشرتی نتائج آک پیشتہ مرور اوفک دا تیتوسہ
 کہ دانا سماجی نتیجہ غاک دا مرور کہ کارخانہ غاک تے ٹی
 کاریم کروکا مزدور طبقہ (پرولتاریہ) معاشرتی طاقت آتا جوڑ
 مروکا دا پوسکونا شکل آٹی روسی بزغر آتون اوار مریسہ
 روس آٹی سوشلسٹ انقلاب سماج اس پیدا کرنگ آٹی
 سرسوب مرور۔ سرمایہ دار تو بیرہ دا خواہکہ کہ صنعتی
 پیداوار آتے جونیکا بھاز کریسہ روسی منڈی ٹی بھلو کچ اس
 سے ٹی تینا مال ئے بہا کریسہ اجارہ دار جوڑ مرین ولا زیات
 آزیات منافع کھٹین ، اوفتا شعوری عمل نا دائرہ بیرہ منافع
 کھٹینگ اس کان اس۔

یا مثلاً ہر وخت ئے کہ انگریز سامراج (یا سرمایہ دار)
 ہندساتن آٹی ریل نا جال ئے ہر جاہ تالان کریر ایلو ریل نا
 صنعت ئے ہندوساتن نا کُنڈ کُنڈ آ قائم کریرتو اوفتے دانا سما
 التو کہ کہ ہنوستان آٹی براہ راست اسئے جدید سرمایہ دارانہ
 مشینی صنعت جوڑ کریسہ دا ڈھیہ نا پیداواری طاقت آٹی اسئے
 ہنڈنو ودھیکی اس کرینگ ٹی اُن ہرا مون مُستی بھلو سماجی
 تبدیلی نا باعث مرنگ کیک، انگریز سرمایہ دار آتا مقصد
 ہندوستان آٹی ریل جوڑ کرنگ بیرہ داخس اس کہ اوفک تینا
 فوج آتے اسئے جاگہ غان ایلو جاگہ غا آسانی اٹ درنگ ہتنگ
 کرنگ کے۔ انگلستان آٹی جوڑ مروکا مال ئے ہنوستان نا کُنڈ
 کُنڈ آ آسانی اٹ بہا کرنگ ایلو ہندوستانی منڈی سر کرنگ

کے۔ اور دانا ذرّے اٹ خوب منافع کھٹیر۔ لکین وسائل ، ہنگ
 ہرنگ (سفر کرنگ) درنگ ہتنگ ریل تار نا جوڑ مرنگ آن پد
 ولا ہندوستان آئی انگریزی ایلو ہندوستانی سرمایہ دار آک پین
 ودھیک ترقی کریر، پُچ ایلو سوتی جوڑ کروکا بہلا بہلا مل
 آک، جوٹ نا صنعت اور آہن ایلو انجنیرنگ نا صنعت ایلو کان
 کنی نا صنعت نازبردست تالانی مس۔ ہمو انگریز ایلو
 ہندوستانی سرمایہ دار ہرا ننا ملک آئی بہلا بہلا صنعت آتے
 قائم کرنگ اسر دا تتوسہ کہ او فتا عمل نا نتیجہ سماجی طاقت
 آتا اسئے پُسکونو گروہ بندی ایلو اونا اسئے پُسکونو شکل
 اس ئے نا صورت آئی خنینگ او یا صنعتی مزدور طبقہ اس
 ودی مروئے، ہرانا تاریخی کاریم دا مرو کہ او ہندوستان ایلو
 پاکستان نا مکمل آزادی نا جدو جُہد، ہڑتاتے ٹی عوامی
 جمہوری انقلاب یا ہردوسر ملک آئی سوشلسٹ اشتراکی نظام
 ئے گھنڈینگ نا رد آئی مچا ایلو محنت کش ایلو مظلوم)
 بزغر، نیامیکو طبقہ) تا رہنمائی کیر ایلو سیاسی ایلو سماجی
 انقلاب نا مہم ئے سرسوبی نا منزل ئے سر کیر، سرمایہ دار
 تو ہندوستان نا منڈی ٹی زیات آن زیات تینا مال ئے بہا کریسہ
 پیسہ کھٹینگ خواہکہ داڑن زیات اونا ہچ او مقصد اس التوکہ۔
 لیکن اونا دا نا سرپندی نا عمل آن سماج آئی اسئے ہندونو
 پُسکونو طاقت اس (مزدور نا انقلابی اشتراکی تحریک) اس
 ودی مس ہرا بل آخر زمیندار آتا ایلو ونا سنگت آتا سرپرست
 انگریز سامراج نا جوڑوکا جابرانہ معاشی ایلو سیاسی نظام نا
 لُخ و مُخ ئے پرغیسہ آزادی، جمہوریت ایلو اشتراکی نچام
 ئے تَفوّ۔

لیکن دا گمان کرنگ غلط مرو کہ مُتکونا سماجی نظام مُتکونا پیداواری تعلقات نا جاگہ غا پُسکونیا سماجی نظام پُسکونیا پیداواری تعلقات ، آسانی اٹ اسئے جدوجہد ایلو تصادم آن بغیر قائم مریرہ، پُسکونیا سماجی نظام ئے، پُوسکونا پیداواری رشتہ غاتے انقلابی عمل نا ذریعہ اٹ ہی قائم کرنگ مریک۔ مریک دھن کہ اسئے حد و مدت اس کان تو پیداواری طاقت ایلو پیداواری تعلقات آتے ٹی تبدیلی مُتکونا نظام نا ڈھانچہ نا تہہ ٹی تینٹ مریسہ کارہ، انسان نا شعوری عمل ایلو اونا ماضی نا دا تبدیلی نا مرنگ آن ہج او دخل اس اف، لیکن ہنڈن اسئے حد اس کان مریک، ہر وخت ئے کہ پُسکونیا پیداواری طاقت آک ہنڈن مون مُستی ہنیسہ کافی پختہ ایلو مضبوط مریرہ تو ولا اوفک متکونا سماجی تعلقات (مثلاً جدید ایلو بہلا پیمانہ غا مشینی صنعت ہراڑے کاریم اوری اٹ مریک ایلو سرمایہ داری نا انفرادی کیفیت ئے) اور ہندا تعلقات آتے برقرار تخنگ کن حکمران ایلو مالک گروہ پیداواری طاقت آتا ترقی نا کسر آٹی نا قابل برداشت سگھ) رکاوٹ جوڑ مریرہ۔ دا رکاوٹ ئے اسئے کُنڈا کرنگ یعنی ہمو حکمران طبقہ نا طاقت نا زور ئے پر خنگ ایلو سماجی ارتقاء نا کسر ئے صاف کرنگ نا ذمہ داری پُسکونیا ودی مروکا طبقہ غا عائد مریک۔ سماج ئے مون مُستی دروکا پُسکونا طبقہ مظلوم ایلو محکوم طبقہ غاتے مچ کریسہ تینا شعوری اور انقلابی عمل آن زور ایلو طاقت نا استعمال ئے کیک کک۔ ایلو مُتکونا رجعت پرست حکمران آتا تختہ ئے چپی کریسہ سیاسی طاقت ئے تینا دُو ٹی ہلیک۔

چونکہ انقلاب اسٹے شعوری او عمل اس ئے نا نتیجہ مریک
 یعنی چونکہ انقلاب ئے سرسوب کرنگ کن بندغاتے لائیخی
 ایلو سرپندی اٹ کاریم کرنگ ایلو جدو جہد کرنو ئے مریک ۔
 سماجی طاقت آتے ایلو سماجی تعلقات مختلف طبقہ غاتا
 پوزشن ، اونا طاقت و زور حکمران طبقہ غاتا طاقت ایلو
 محکوم طبقہ غاتا طاقت ، اونا ذہنی کیفیت اونا مچی / تنظیم
 کاری وغیرہ ئے بدلینگو کا حالات آٹی ہر دم چائینگ ایلو
 پھرکینگ لازم ئے۔ ہندا خاطر ادا انقلابی جہد آٹی پُسکونا ترقی
 پسند انقلابی خیال آک ایلو نظریہ غاک ، پُسکونا سیاسی تنظیم
 آک، ایلو ادارہ غاک ایلو پُسکونیگا سیاسی طاقت نا ہر
 مُتکونیگا نظام ئے ختم کرنگ اور پُسکونا نظام ، پُسکونو
 معاشی حالات اور سماجی تعلقات ئے جوڑینگ نا فرض ئے
 پُورؤ کے دا بے حد اہمیت اس تخیک۔

پُسکونا ترقی پسند انقلابی نظریہ ایلو خیال آک پُسکونا
 پیداواری طاقت ایلو مُست نا پیداواری تعلقات نا تصادم آن پیدا
 مریرہ۔۔ دا پُسکونا سماجی تصورات ہمو حالات آتے ٹی وجود
 آٹی برنگ آن پد بھاز بھلو ذہنی ایلو روحانی اس ئے نا حامل
 مریرہ۔ او محنت کش عوام آٹی ۔ ہمو بنددغاتے ٹی ہرافتا
 معاشی حالات زند دانا متقاضی مریک کہ سماج ئے اسے
 پُسکونو سانچہ سے ٹی ڈھالیک، دافک تالان مریرہ۔ اوفتا
 دماغ آٹی سماجی حقیقت آتا روژنی ئے ودی کیرہ اوفتا اُست
 آتے ٹی انقلابی او جوزہ و جوش پیدا کریسہ افتے اسٹے
 عظیم او فوج آٹی بدلیفیرہ، اوفک دافتے دارکن تیار کیرہ کہ


سماج نا معاشی طاقت آتے آزاد و آجو کرینگ کن او مُتکونا
 معاشی رشتہ غاتا زممیر ئے تینا انقلابی عمل آن پر غر ہندن
 لاشعوری / بے سما ٹی ارتقاء نا جاگہ غا بیدار او ایلو
 باشعور بندغاتا عمل مون مُستی بریک، یا اونا جاگہ ئے
 ہلیک، پر امن تبدیلی نا دور ختم مریک ولا پر تشدد ایلو پر زو
 جہد نا دور شروع مریک۔ ارتقاء نا جاگہ غا انقلاب ہلیک،
 مارکس پارینے کہ:-

"مزدور طبقہ (پرولتاریہ) ئے سرمایہ دار طبقہ غان جدوجہد
 نادوران آٹی حالات آک مجبور کیرہ کہ او تینا طبقہ دار مچی
 یا تنظیم کے۔ انقلاب نا ذریعہ اٹ او (مزدور طبقہ) تینے
 حکمران طبقہ نس جوڑیک ولا او زور اٹ مُست نا پیداوار نا
 حالت ئے مٹائیفک/ ختم کیک" (کیمو نسٹ منی فیسٹو)
 ہندا مینی فیسٹو ٹی مارکس دا ہم پارینے کہ:-

"مزدور طبقہ غاک تینا سیاسی اقتدار ئے سرمایہ دار آتیان
 مچا سرمایہ ہلنگ ایلو مچا پیداوار نا ذریعہ غاتے (فیکٹری،
 وغیرہ) ریاست نا دُو ٹی ترنگ کن استعمال کروئے، دا ریاست
 تون جوڑینگوک مرو یا مزدور طبقہ تون جوڑینگوک مرو ہرا
 تینے حکمران طبقہ نا حیثیت آٹی مچ کروک مرو یا تینا تنظیم
 ئے کروک مرو" دا کھل قوت ایلو زور نا زہیہ مرو، مارکس
 تینا شہرہآفاق نوشتہ مروکا "سرمایہ" آٹی لکھانے ہر مُتکونا
 سوسائٹی نا پد آن پُسکوینگا سوسائٹی ئے پیشن کشینگ نا
 کاریم قوت او زور اٹ مریک"

مادی زند نا تضاد آتا ایلو پیداوار نا سماجی عناصر اور پیداوار
 نا تعلقات نا اسنے ایلو تون آویزش نا ذرئعہ اٹ کرنگ مروئی
 ئے۔ ہج او سماج نظام ہمو وخت اس کان فنا مفک ہرا وخت
 اس کان پیداوار نا مچا طاقت آک ہر فتا داسماجی نظام آٹی
 گنجائش ارے۔ پور و پور و مون مُستی بھلون مریسہ ایلو
 پیداوار نا پُسکونا اور زیات ترقی کروکا تعلقات آک ہمو وخت
 اس کان بڑزا بفسہ ہرا وخت اس کان او فتا وجود آٹی برنگ کن
 ہرا مادی حالات آتا ضرورت مریک ہمو حالات آک تینٹ
 مُتکونیگا سوسائٹی نا پھٹ آٹی پختہ مفسہ۔ ہندا وجہ ئے کہ
 بنی نوع انسان ہر وخت بیرہ ہنداخہ ہی فرض تینا ذمہ غا
 ہلیک ہخس کہ او کرنگ کیک

(انجام ترنگ کیک) اگر نن دا مسئلہ غا زیات غور کین تو
 نن خنینہ کہ تینٹ دافرض ہمو وختا پیدا مریک ہر وخت ئے کہ
 اودے پور و کرنگ کن ہرامادی حالات آتا ضرورت مریک
 ہمو فک وجود آٹی بروک مریرہ یا وجود آٹی برنگ آٹی او



اختتام

جاوید بلوچ

ٹیمپل ڈیرہ نصیر آباد

۲۲/۰۶/۲۱

مارکس فلسفہ نے تینا زبان ٹی

ٹی بدل کرنگ عام بندغ نا وس آ پیشن ء - ٹی ہم داخس
با علم نس افٹ کہ ٹی مارکسزم نے خوانیو ولا اودے
تینا زبان ٹی بدلیفنگ کیوک پر اصل بیت دادے کہ
سجاد ظہیر نا دا کتاب ہر ادے ٹی براہوئی ٹی بدل کرنیٹ
دا تینٹ ہداخہ در آسان طریقہ ہٹ مارکسی فلسفہ ء پو
کیک کہ کنکونا بندغ ہم دادے تینا زبان ٹی بدلیفنگ
کرینگ کے پر داڑے ہم بھاز آ لوڈ آ ک ہمون واپس
تخنگانو ہمر کہ ماہلو اریر ٹی تو دا پاوہ کہ دا براہوئی
کتاب تینٹ تو ہچ او اہمیت ہس تخچک پر اگہ کسٹس
مارکسی فلسفہ نے چاننگ دادے جوانی ہٹ سرپند
مرنگ خواہیک تو سجاد ظہیر نا "مارکسی فلسفہ" نے
خوانے - اگے کنا دا نوشتہ نا اہمیت اف پر دا کتاب
ہنداخہ تو کرنگ کیک کہ دانا اصل کتاب (مارکسی فلسفہ
اردو) نا تجدید (پوسکن کرنگ) کے یا اشتراکی فلسفہ
ءولا مخلوق نا مونا ہتنگ نا کاریم نے کرنگ کے
ہنداخہ ہم مس تو ٹی تے سرسوب سمجھوٹ والا بھلا
بیت دادے کہ ننے تینا سوچ نے جہان نا مونا ہتنگ کن

ہیت دادے کہ ننے تتینا سوچ ئے جہان نا مونا ہتنگ کن
گڑاس نہ گڑاس ہمونو عمل ئس کرو ئی تمک ہراٹی
مخلوق ننے چائے دا اراوڑ نا بندغ ہس ئے۔ دا اسئے
چھاپ ئس ئے یا سند اسئے کہ نن مارکسی اون اور
ایسکانے زند ہن مارکسی رہونک داڑان بیدس کنا پین
ہچ و مقصد التو کہ مٹ و بدل کرنگ نا۔

(جاوید بلوچ)

